

PERPETVA ME=
MORIA DIGNISSIMVM, DE
NATVRA MAGNETIS, ET EIVS
EFFECTIBVS.

De motu continuo.
Item *De demonstratio proportionũ motuum localium, con-*
tra Aristotelem & alios Philosophos.
De motu alio celerrimo, hæctenus incognito.

Authore Ioanne Taisnierio Hannonio, vtriusque
Iuris Doctore, Poëta Laureato, Musico & Re-
ctore Sacelli Musices Reuerend. Colo-
niensis Archiepiscopi, &c.

Call. Plam.

scribit Ioan. Carvis



COLONIAE,
Apud Ioannem Birckmannum,
Anno M. D. LXII.



REVERENDISSIMO IN CHRIS-
TO PATRI, AC ILLVSTRISSIMO PRINCIPI
& Domino, D. Ioanni Gebhardo, è Comitibus à Mans-
felt, &c. Sanctæ Colonienfis Ecclesiæ Archiepisc. Prin-
cipi Electori, nec non Angaria & Vestphaliæ Duci,
Sacri Romani Imperij per Italiam Archican-
cellario, & cat. Domino suo
Clementissimo.



Vod propemodum infiniti Philoso-
phi ab initio mūdi, perpetuis studiis
& maximis laboribus nisi sunt in ef-
fectum & optatū finem perducere,
Princeps clementissime, hætenus ta-
men aut incognitū, aut saltē occultū, non sine ma-
gna expertissimorū Mathematicorū & architecto-
rum, aliorūq; cuiuscunq; facultatis virorū iactura
maxima, aut saltem si id ad effectum (quod fieri po-
test) peruenerit, celatum remāsit. Et si qui fuerint,
qui huius perpetui motus experientiam attige-
rint, eos Michaëlis Archangeli pictoris & sculto-
ris incomparabilis, inani gloria vexatos & notatos
arbitror: qui etiam in extremis suspiriis vitæ nec
pprio filio suæ artis arcana detegere dignatus est,
multum sibi vëdicans, si praxis artis suæ vnà cum
corpore suo interiret, perpetuam sui memoriam
hoc errore & ingratitudinis nota patefacta, poste-
ris sic commendare arbitratus. Aut profectò dubi-

cabat, quòd cùm in omni genere doctrinæ & experientia, infinita subinde nascatur calumniarū portenta & inuidia, quibus praua ingenia (instigante aduerso genio) veritatē vel deformare, vel obruere detractionibus & morsibus conātur, tū præsertim istæ artes Mathesæos (quarū species sunt pictura, cælatura, sculptura & huiusmodi) singulis ætatibus hoc præ cæteris incommodo laborāt, vt perpetuò acerbissimis ignorantium morsibus sint obnoxie, nisi nutu & titulo fauorabilium Principum & Heroum tuerentur: Cùm scientiæ ignaris non modò ridiculosæ, sed omninò suspectæ habeātur, etsi nihilominus in fabrica & experiētia motus cōtinui nihil suspecti esse debeat. Et cùm illa omninò necessaria, & vtilitati publicæ cōuenientissima est, ausus fui, suæ Celsitudinis clemētia fissus, hunc libellum de motu continuo, suæ Celsitudinis sub nutu, titulo & fauore in lucem edere, qui quantum vtilitatis & exercitii cuiuscūq; facultatis viris præclarissimis afferre poterit, experiētia facilè demonstrabit, humilimè supplicās, vt dignetur sua Celsitudo pro innata mansuetudine, humilitate & beneuolentia in omnes Musarum assecclas, hoc meum paruulum Opusculum æquo ac grato suscipere animo, & ero atque sum

Suæ Celsitudinis

Humillimus Orator & mancipium

Ioannes Taisnier Hannonius Presbyter.

DE

DE NATVRA ET EFFECTIBVS
LAPIDIS MAGNETIS.



IRITVM solet esse Prouerbiū, quòd in petris verbis & herbis cōsistit magna potestas. Quod profectò huius lapidis experientia quotidie liquet, qui passim in India inuenitur. Quem etiam in Hispania ferūt inuenisse quē lā Heracleonē, teste Nicādro, clauis crepidarū, & baculi cuspide ferrea lapidi adhærētibus, cū armēta pasceret. Cuius Magnetis quinq; sunt genera, vt Sotacus demonstrat: Aethiopicum, Magnesiacum ē Macedonia, ei contermina. Tertium in Aethio Bæotia. Quartum circa Alexandriam Troadem. Quintum in Magnesia Asiae. Differentia lapidis est, an mas sit aut fœmina. Proxima in colore: nam qui in Macedonia & Magnesia reperitur, rufus nigerq; est: qui verò in Bæotia, plūs rufus quàm niger est. Is qui in Troade inuenitur niger est, & fœminei sexus, ideoq; sine viribus. Deterrimus autem in Magnesia Asiae candidus, neq; attrahens ferrum, similisq; est Pumici. Compertum tantò meliores esse, quantò sunt magis cærulei. Aethiopicis laus summa datur, pondusq; teste Plinio, argento rependitur. Inuenitur hic in Aethiopia Zimiri, ita vocatur Regio arenosa, ibi & Hematites Magnes, sanguinei coloris, sanguinēq; reddens si teratur, sed & crocū, cui in attrahendo ferrum non eadem quæ magneti Hematiti natura Aethio-

thiopici, argumentum est, quòd magnetem quoque alium ad se trahit. Omnes autem hi oculorum medicamētis profunt, ad suam quisque portionem, maximeq; Epiphoras si stunt, sanant & adusta cremati tritiq;. Alius rursus in eadem Aethiopia non procul mons, gignit lapidem Theamedem, qui ferrum omne abigit respuitq;. Expertus sum sæpè lapidis Magnetis virtute & potentiam lingulam magnetinam (quæ in horologijs Solaribus poni solet) moueri circum circa & vnde quaque, & quidem naturaliter: etiam si magnes sub mensa aut tabula supponatur motu eius & lingulam moueri. Ne mirū igitur sit si in petris verbis & herbis insit magna potestas: Expertum nanque sæpè est etiam, naues clauis ferreis compactas mare Aethiopicum oberrantes, & tēpestate ad scholia aut promontoria agitatas, in fundū à Magnete attractas, aut saltē clauis Magnetis virtute extractis, in mille partes dissolutas esse. Ideo cautiores Cantabri, nautæ inquam peritissimi, mare Aethiopicum oberraturi, sua nauigia stipitibus ligneis conglutinant & componunt, ne in simile periculum mortis faciliè corruant.

Aliud dictum de natura, cognitione, virtute, æqualitate & effectibus Magnetis.


Quoniam omne bonum, quòd communius, eò melius à natura existit, ideo hoc opusculum posteritati cōmunicare de natura & effectibus miraculosis Magnetis volui, cuius lapidis natura & effectus, etsi vulgo videantur naturæ limites excedere, tamen expertis & Mathematicis

non

non vsque adeò extranei videntur, cuius lapidis secreta omnia miraculosa, impossibile ferè esset propalare. Quum etenim ars perficiat multa, quæ naturæ sunt impossibilia, necesse est eum, qui in hisce rebus aliquid efficere velit, artificio manuum præditi & expertum esse. Nec sufficit illum perfectissimum Physicum, Mathematicum, aut Astronomum esse: quia simul requiritur manuum exactissima operatio. Ideoq; fit, quòd hæc naturales artes facile hoc seculo succumbant. Cognoscitur hic lapis colore, virtute, pondere & æqualitate. Colorem cupit ferreum, lucidum, mixtū Indico colore aut cælestino, vt sit quasi ferrum politum. Reperitur hic lapis plerunque in partibus Aquilonis, à quibus deferuntur ad portus Normandiæ, Flandriæ, &c. Virtutis huius lapidis experientia facilis est: Si enim magnum ferri pondus attrahit fortis iudicatur, quò etiam est ponderosior, eò melior. Aequalitate autem iudicatur, si totus sibi similis est, substantia inquam, & colore. Si verò nonnullis cauis excavatus sit, rubeas maculas passim habens, ineptus erit arti & motui continuo. Refert enim Magnes similitudinē cæli. Vt enim in cælo duo sunt puncta immobilia, axem Sphæræ terminantia, super quibus tota cæli machina voluitur, quæ per artē quæ crystallū aliq; lapides poliuntur, inueniri possunt: Reducto enim hoc Magnetis lapide in formā Globi aut pile, acus superponatur aut ferramentū illi simile, quocunq; se vertit acus & quieuerit, Polorū loca indicabit. Et quò id certius fiat, sapius tentandū est, & linea ab acu demonstrata

in lapi-

4 DE NATVRA ET EFFECT. MAGNETIS;
in lapide seruāda est: Secabūt enim se mutuò huiusmodi li
ne.e in duobus pūctis, prout ipsi meridiani circuli in Polis
mundi coeunt. Idipsum alio modo colligitur.




Certiùs id fit, si in lapide (vt dictum est) rotundo requi
ratur locus, qui sepiùs & sepiùs ferrū attrahit, quo reper
to, si ad vnguem ipse pūctus appareat, pars acus rupta ip
si lapidi superimponenda est, & toties paulò transponen
da est, donec stylus ille ad perpendicularum aut amussim
lapidi

lapide infistat: ibi enim alter Polorum in opposita parte simili modo inuenietur. A punctum verum. B falsum erit.

Modus distinguendi alterum Polum ab altero.



Vtrum punctorum iam dictorum respondeat Polo Arctico, siue Septentrionali, ita distinguitur: Accipiaturs vas plenum aqua, satis amplum, in quo Magnes super asere leui ponatur, vel in pyxide non admodum profunda, ita tamen



ut duo puncta in lapide inuenta, equaliter eleuata iaceant in dicta pyxide, sic virtute lapidis eousque mouebitur pyxis, quo Polus Meridionalis, meridiem, alter verò opposi-

B

oppositam partem, scilicet Borealem aspiciet, ibiq. quiescet. Erit igitur facile hoc modo discernere, vtrum punctorum Polo Arctico, an Antartico respondeat, modò ipse cæli Regiones aliquo modo priùs sint cognitæ.

Quòd lapis lapidem attrahat.

Lapis quomodo lapidem attrahat, deinceps ostendetur: Ponatur alter (vt dictum est) super assere vel pyxide, vt natare possit liberè, alter manu teneatur. Si ergo partem lapidis, quem manu tenes, Septentrionalem, obuertas parti Meridionali natantis, aut Meridionalem Septentrionali, veniet & versus manum tuam lapis natans. Si è contrà, similem partem simili obuertas, scilicet Meridionalem meridionali, &c. fugiet à te lapis natans. Hinc destruitur ratio quorundam Medicorum, sic argumentantium: Si stammonea trahit Choleram, ratione similitudinis ergo Magnes magnetem potiùs attraheret, quàm ferrum: Nam quod illi falsum assumunt, nos iam docuimus verum esse. Simile est iudicium de ferro oblongo, quod ad Magnetem attritum est: Si enim in leui ligno vel in festuca ponatur in aqua, vt natare liberè possit, vertetur altera extremitas ad Septentrionem, altera ad Austrum. Et si lapidem manu tenens, punctum eius Septentrionale extremitati Australi obuertas, aut è contrà, trahet lapis ad se ferrum. At contrà, si simile simili (vt dictum est) obuertas, fugiet ferrum.

Id autem inde constare videtur, quòd agens non solum nititur patiens sibi simile reddere, sed & vnire, & vnum
ex duobus

A Aquilonare

ex duobus reddere, quod tali ratione liquet: Accipiaturs lapis Magnes *AD*, quorum *A*, sit Aquilonale, *D*, Australe punctum. Secetur ergo lapis in duo, scilicet *AB* & *CD*. Atque ipsum *AB* impones aquæ, prout dictum est, & eodem modo videbis *A*


Lapis
diui-
sus in
medio




D Australe

versus Austrum: Ipsa enim

fractura non minuet virtutem lapidis, modò is sit homogenius. Sit ergo *AB* patiens, *CD* agens. Cum autem ipsum agens, meliori quo potest modo agat, ut ordinem naturæ conseruet, constat quòd ipsum *D* non attrahet ipsum *C*, Australe scilicet: quia etiamsi possent eo modo coniungi, non fieret ex eis unum, manentibus partibus in sua virtute. Si enim *A*, maneret Aquilonale, fiet ipsum *C* meridionale, quod constat habere vim Aquilonis.




Impossibile.



Impossibile.

B 2

Neg



Neque è diuerso ipsum C, attrahet A: Vtrumq; enim est Septentrionale, fieretque B Aquilonale, quod prius constat fuisse Australe, & ipsum D, eodẽ modo: Hoc enim modo naturæ ordo esset inuersus. Relinquitur ergo quod ip

Naturale. sum A attrahet naturaliter D, aut ipsum B attrahet C: Vtrobique enim manebit eadem vis omnium.

Quidam verò insulsi opinati sunt Magnetis virtutem non à cœlo, sed à loco provenire, vbi inuenitur, dicentes fodinas eius in Aquilone esse, & ideo partẽ vnã semper Aquilonem versus tẽdere: At illi ignorant alibi etiam reperiri Magnetem, vnde sequeretur eum diuersas partes ex diuersis partibus appetere, quod falsum esse etiam vulgus non ignorat: Semper enim ipsos Polos aspiciat, quocumq; etiam sit loco. Neq; credendum est ipsam stellam nauticam Folum esse: cùm ipsa sit extra meridianam lineam, & nisi bis intra reuolutionem vnã firmamẽti. At quoniam huius lapidis mirabilis virtus è cœlo pendeat, quis credat duo tantũ puncta eo modo se habere, quin potiũs qualibet eius pars, partem aliquam in cœlo similem aspiciat, quod ita experiri licet: Reducatur lapis in formam (vt dictum est) Sphæricam, inuentisq; Polis per iam expositum modum, voluatur super duabus pinnulis, & consq; poliatur, donec ex omni parte æquẽ sit gravis, quod
sapẽ

ſapè tentando, facile experiri poteſt: Quæcūq; enim pars ſubſidet, ea grauior erit. Quo facto, extruas ei circulum Meridianum cum Horizōte, cui duos ſtylos, ſupra quibus quàm leniſſimè poterit moueri, inſige, ipſosque Polos lapidis ad Polos mundi quàm potes exactiſſimè, dirige. Quòd ſi tunc ſucceſſerit, gaudeas te inueniſſe maximum ferè



rerum naturalium miraculum: Videbis enim per eum modum ascendens, locum Solis, horam & ſimilia quouis mo-

18 DE MOTV CONTINVO,
mento. Sin minus ex animi sententia successerit, id non
arti, sed ignavia, & tuæ negligentiae imputandum erit:
si enim omnia debitè executus fueris secundum artem,
non dubites successum.

COMPOSITIO INSTRVMEN- torum, per Magnetem.


Quomodo autem per Magnetem instrumenta compo-
nantur, quæ azimuth Solis & stellarum, hoc est, circuli
verticales inueniantur, non fuerit hoc loco necessarium
persequi: cum id per Bussulam, vel Compassum nauticum
facile fiat, aut per pyxidem cum Magnete incluso, & su-
per aquas natante cum stylo erecto, superiorique in 360.
partes more Astronomico diuiso.

DE MOTV CON- TINVO.



Principio mundi omnes ferè naturales Philoso-
phi & Mathematici magnis & cōtinuis laborib.
motū continuū inuestigantes, multis sumptibus
& laboribus inuenire tentarunt. Pauci verò aut nulli ha-
etenus scopū verū attigerūt. Diuersis instrumētis & rotis
id efficere tentarunt, & argēto vino, siue Mercurio, igno-
rantes tandem huius lapidis virtutem, artificium & mi-
raculum. Nec alio modo motus ille continuus inueniri po-
test, nisi per Magnetem & hoc modo: Conficiatur casula
argentea, ad modum speculi concava, subtili artificio ex-
teriùs elaborata, & diuersis sculpturis ornatus causa, nec
solum

solum ornatus causa, sed etiam leuitatis: quantò enim fuerit lenior, eò faciliùs mouebitur. Nec enim ita perforanda



est, vt ignarus latète secreto, rem tam apertè, tamque facile intelligat. Interiùs clauiculi fient, & denticuli ferrei vnius pòderis, limbo aut margini affigendi, decliues, propinqui, ita vt non amplius à se distent vnius fabæ, aut ciceris spissitudine. Sit etiam dicta rota per omnes suas partes

mento. Sin minus ex animi sententia successerit, id non arti, sed ignavia, & tuæ negligentiae imputandum erit: si enim omnia debite executus fueris secundum artem, non dubites successum.

COMPOSITIO INSTRVMEN- torum, per Magnetem.


Quomodo autem per Magnetem instrumenta componantur, quæ azimuth Solis & stellarum, hoc est, circuli verticales inueniantur, non fuerit hoc loco necessarium persequi: cum id per Bussulam, vel Compassum nauticum facile fiat, aut per pyxidem cum Magnete incluso, & super aquas natante cum stylo erecto, superiori quæ in 360. partes more Astronomico diuiso.

DE MOTV CON- TINVO.




Principio mundi omnes ferè naturales Philosophi & Mathematici magnis & continuis laboribus motum continuu inuestigantes, multis sumptibus & laboribus inuenire tentarunt. Pauci verò aut nulli haec lenus scopum verum attigerunt. Diuersis instrumentis & rotis id efficere tentarunt, & argento viuo, siue Mercurio, ignorant tandem huius lapidis virtutem, artificium & miraculum. Nec alio modo motus ille continuus inueniri potest, nisi per Magnetem & hoc modo: Conficiatur casula argentea, ad modum speculi concaua, subtili artificio exterius elaborata, & diuersis sculpturis ornatus causa, nec
solum

solum ornatus causa, sed etiam leuitatis: quanto enim fuerit lenior, eò faciliùs mouebitur. Nec enim ita perforanda



est, vt ignarus latēte secreto, rem tam apertè, tamque facile intelligat. Interius clauiculi fient, & denticuli ferrei vnius pōderis, limbo aut margini affigendi, declines, propinqui, ita vt non amplius à se distent vnius fabæ, aut ciceris spissitudine. Sit etiam dicta rota per omnes suas partes

tes æqualis ponderis, dein axem affiges per medium, super
per quẽ voluetur rotula, axe omnino immobili manente,




cui iterum axi stylus adducatur argenteus affixus eidem,
interque duas casulas collocatus, in cuius summitate Ma-
gnes collocetur. In hunc modum præparatus, reducatur
primũ ad formam rotundam: dein (vt dictum est) Poli ipsi
inueniantur: postea in tactis Polaris, duo latera oppsita, in-
terque Polos media eliminentur, & quasi ad formam oui,
lapis


Forma lapidis.



lapis redigatur, sitq̃ in duobus lateribus illis cōpressior,
 ne scilicet imū interiorem locum occupet, ad ipsius casulae
 parietes per modum rotulae attingatur. Quibus peractis,
 collocetur lapis super stylum, quēadmodum lapis in annu-
 lo, tali arte, vt Polus Aquilonius versus denticulos sit pa-
 rum inclinatus, ne scilicet virtus ipsius ex directo, sed
 cum quadam inclinatione agat, aut influat in ferreos den-
 ticulos. Veniet itaque quilibet denticulus ad Polum Se-
 ptentrionis.



ptentrionalem, cumque modi ex impetu rotula illum
transgressus fuerit, ad partem Meridionalem perueniet,
que eadem illum fugabit, quem rursus Arcticus attrahet
Polus, vt patet. Et quò citius rotula suū præstet officium
intra casulas, exiguum include calculum rotundum aene-
um vel argenteum, tantæ quantitatis, vt commodè inter
duos denticulos quosuis recipiatur. Cùm ergo rota eleua-
bitur, cadet calculus in partem oppositam, cumque motus
rota



rota in imam partem sit perpetuus, & casus calculi in oppositam, inter quoslibet duos denticulos receptus, etiam perpetuus erit, qui quidē suo pōdere appetet Centrum terræ, innumq̃ue locum. Quare cū permittet denticulos circa Magnetem quiescere, fiet tandem, ut instituto satisfactum fuerit. Sint autem loca intermedia denticulorum, tali arte excavata, ut aptè cadentem calculum recipiant, ut præsens ostendit figura. Et hæc hæctenus pauca compendiosè narrata de motu continuo.



Viuscunque facultatis viri clarissimi, iam satis apertè demonstratum est, quì motus iste admirabilis fieri possit, euentissimis demonstrationibus clarificatus: & quid utilitatis ac commodi quis inde consequi possit. Hunc itaq; Lectores optimi laborem nostrum boni consulite, Deo & Meccœnati meo Reuerendiss. non mihi, reddantur gratiæ. His valete.

DEMONSTRATIO PROPOR. TIONVM MOTVVM LOCA.&c.

*Ad pium & non æmulum Lectorem Ioannes
Taisiuer Hannonius.*




Vm nonnullis annis elapsis, Romæ, Ferrariæ, aliisq; in Italia Academiis (sedente piæ memoriæ Paulo III. Pontifice Maximo) lectiones Matheseos publicè legendas susceperem, saluo omni arrogantia scrupulo, nostras lectiones sæpè decorabat præsentia & frequentia trecentorum & amplius auditorum: quòd artes Matheseos ibidem in extremo habètur pretio. Absoluta itaque sæpè lectione (vt moris est auditoribus) repetendi gratia me vndequeq; circumuallabant è Scholis egredientem, quilibet non intellecta factis, repetebat. Aemuli & concurrentes aliquando,

medias disputationes iniuriis impediabant, vt aliquando (sicuti fit) viderentur finē disputationum verberibus et gladiis imponere. Accidit interea, vt de Aristotelica lectione mentio fieret, & extra propositum, & de proportionem motuum localium cuiusdam æmuli interrogatum respuens, dixi, illum Aristotelis intentionem malè intellexisse, quem tanquam cœleste numen sibi proponeret, censeretque nefas, si quis ab eo dissentiret. Ille aut inuidia, aut furore interceptus, Aristotelē me damnassem temerè asseruit. Coactus itaque fui precibus mei Reuerendiss. Cardinalis de Adulphis Florentini id ipsum publicè repetere: præsertim quòd ad aures Pontificis peruenerat, cuius preces pro mandatis habebam, & errores (quos antea tamen non increpaueram) Aristotelis demonstrari, præsentibus Reuerendiss. Cardinale Crescentio, & Episcopo Ponsetto, viris in omni facultate expertissimis, et aliis propemodū infinitis auditoribus, coram quibus, vt dixi, errores Aristotelis his (vt sequuntur) verbis & demonstrationibus exposui, nostrisque dictis se quidam (vt solent non satis docti) inuestiuit, & Typis cōmitti curauit. Vos itaq; Lectores synceri, hanc demonstrationem mitiori animo atq; poteritis tēperate. Aristotelem principem totius Philosophiæ reputo: sed quia humanum est peccare, potuit et aliquando idem sopire.

DEMONSTRATIO PROPORTIO-
NVM MOTVVM LOCALIVM, CONTRA
Aristotelem & omnes Phi-
losophos.

PRIMO, & antequam scopum demonstratio-
nis proportionū motuum localium attingamus,
notandum est, quòd corporum vnius & eiusdem
speciei eadem est proportio inter quantitates, quæ inter
grauitates aut leuitates, siuè simpliciter aut ad aliquid,
hoc nihil refert. Sat est, quòd inter quæ proportionē con-
siderabimus secundum quantitatem, inter eadem etiam
intelligemus secundum grauitatem, aut leuitatem, &c.
Sint verbi gratia, duo corpora plumbea & inæqualia
puta *A* & *E*, quorum corpus *A*, triplum sit in quantitate
corpori *E*. Nam de multiplicatione quātitatis, ne quis de-
cipiatur: Quoniam nōnulli putarunt Sphæram duplicari,
cūm duplicata fuerit eius diameter, quod quidem maxi-
mus est error per 15. duodecimi Euclidis. Cūm ibi demon-
stretur proportionem duarum Sphærarum vnius ad alte-
ram, esse tanquam diametri maioris Sphære ad diame-
trum minoris proportionem triplicatam. Similiter quoq;
demonstratur in 37. vndecimi, de solidis corporibus simili-
bus & equidistantium superficierum. Præterea Albertus
Durerus de hoc sufficiēter loquitur in 4. libro suæ Geome-
triæ, docendo duplicationē cubi, &c. tunc enim idem cor-
pus *A*, excederet corpus *E* grauitate, tripla pportiōe. No-
tetur,

tetur itaq; pōdus *A*, litera *B* & *E*, signetur *F*, & mente concipiatur corpus *A* diuisum esse in tres æquales partes *CDG* videlicet, quarum partium *H I K*, iam manifestum est, pro præsupposito singulas partes *CDG* æquali



tate resþonsuras corpori *E*, ponderabitq; per communem scientiam æqualiter *F*, quod si non esset, vnaqueque partium *A*, pro homogenea non reputaretur cum corpore *E*, & ita pugnaret cum præsupposito. Postquàm igitur *H I K* in simul æquiparet *B* soli, per cōmunem scientiam erit quoque per 7. quinti *B* ad *F*, eadem quæ *H I K*, ad idem *F*, sed pondus *H I K* ad *F* triplum est. Erit igitur & pondus *B* triplum, ad *F*, qua ratione patet institutum. Nunc

Nunc autem demonstrabo, quo pacto corpora vnius
 & eiusdem speciei, itidem & figura, equalia inuicem,
 vel inæqualia, in eodem medio, per æquale spatium, in eo-
 dem tempore ferentur: quod quidem contra Aristotelem
 est, & contra omnes Philosophos, qui adhuc hanc propo-
 sitionem non viderunt. Aristoteles primò in 4. Physico-
 rum, in capitulo de vacuo, vbi scilicet intendit demon-
 strare, quòd si detur vacuum, tollatur motus, &c. Ibi au-
 tem dicit: Cernimus enim ea corporum, quæ plus gravita-
 tis, aut leuitatis habent momenti, modò eadem ipsis insit
 figura, celerius per æquale spatium ferri, eaque propor-
 tione, quam inter sese habet. Quare & per vacuum ita fe-
 rentur &c. quod falsum probatur. Præterea Diuus Tho-
 mas, quid super hoc dicat, si quis velit, videat: quoniam
 melius vnquam nemo mentem Aristotelis intelligit. At
 exempla, quæ Simplicius atque Auerroes dant, ad hoc in-
 telligendum, duobus corporibus sphericis equalibus in
 quantitate, sed diuersarum specierum, puta alterum auri,
 reliquum verò argenti, non propter hoc dicendum est, ip-
 sos intellexisse hanc propositionem, vt demonstrabo: Quo-
 niam dixissent aliquid de æqualitate quantitatis illorum
 corporum: cum idem sit motus æqualium, vel inæqualium
 corporum, dummodò sint eiusdem figura. Exempli gra-
 tia: Si sint tria corpora Sphærica, quorum duo sint au-
 rea, reliquum verò argenteum: & aurea sint inæqualia, ar-
 genteum verò æquale sit vni aureorum corporum, tunc
 in eadem temporis proportionem feretur corpus aureum
 æqua-

æquale argenteo, cū ipso argenteo, in qua ipsum argenteum, cum aureo inæquale, quod demonstrabitur inferius.

Uterius verò 6. Physicorum cap. 1. in fine, & per totum ferè secundum eiusdem, idem confirmat: cap. verò 4. inquit sic: Cū autem omne quod mouetur in aliquo moueatur, & tempore aliquo, mobilisq; totius sit motus, easdem esse diuisiones, & temporis & motus, & ipsius moueri, & eius quod mouetur, & etiam eius in quo est motus, necesse est. Dat postea demonstrationē suo more. Cap. autem 7. idem sibi vult, vbi intendit, fieri non posse, vt finito in tempore, quicquam in finitam magnitudinem transeat, & cæt. Præterea Aristoteles in primo de Cælo, idem confirmat, simpliciter dicendo, quòd tempora rationem eam, quam habent pondera, contrā sanè habebunt: veluti si dimidium pondus hoc in tempore mouetur, duplum in dimidio huiusce mouetur, &c. & hoc in 6. cap. Præterea in 8. cap. eiusdem lib. inquit. Ignis enim quò maior est terra, eò celerius semper locum petit, &c.

Secundo de Cælo cap. 8. inquit sic: Vt enim in cæteris maius corpus celerius latione propria fertur: sic & in orbibus ipsis, &c. Capite verò 13. duobus in locis idem confirmat, dicens, quòd maior terra, semper celerius fertur.

Tertio verò de Cælo cap. 2. ita inquit: Quòd si secundum proportionem, quam habet spatium C D, diuisum fuerit corpus B, totum B eodem tēpore feretur per C E, quo pars ipsius B, per C D ex necessitate. Quare sequitur vt B celeriori feratur motu, quàm pars ipsius B. Inferius

D

qui-

quidem, similem facit demonstrationem, dicens postea sic: Celeritas enim minoris, ad celeritatem maioris ita sese habet, ut maius ad minus corpus, &c. Tertio verò de Cælo, cap. 5. in fine, similiter dicit, quòd eò magis quodq. moveri necesse est, quòd maius sit. Quemadmodum & ignis quòd maior est, eò sua latione celerius fertur, & cæt. Idem quoq; confirmat in 2. & 4. cap. quarti libri de Cælo quatuor locis, & in tertio loco clariùs etiam loquitur, dicendo, quòd maior ignis, minore sursum celerius fertur, & maius aurum, vel plumbum maius, celerius deorsum movetur: & cæterorum quæ pondus habent, quodq. simili modo. Clariùs enim mentem Aristotelis colligere non est.

Vitellius præterea Mathematicus, in 2. libro de perspectiva propositione secūda, in eundem incidit errorem. Præmitto eius ignorantiam in ea propositione, qui putat non esse quātitatem insensibile. Sed transeat hoc cum reliquis erroribus, qui quidem errores, alio tempore & loco ostenduntur. Reliquos verò omnes Philosophos, si quis velit, legat, & videbit eos omnes concordare cum mente & sententia Aristotelis. Ulterius Aristoteles aliquibus etiam alijs in locis idem confirmat, sed hæc iam sufficient, hæcque principalia loca citasse satis est. Nunc ad demonstrationem perveniendum est.

Propositionem enim propositam demonstrabo ostensuè, ut lucidiùs pateat. Quoniam, cum Archimedes in suo opere de insidentibus aquæ, nihil loquutus sit de proportionem motuum in elementis, manifestè patet ipsum non-
dum

Dum perscrutatum fuisse hanc propositionem : nam ibi proprius erat huius rei locus. Sed nō vni datum est, omnia scire, & propterea multis satis difficile fuit, imaginari suppositionem, quam publicè Romæ exposui. Cū nihil aliud dicat, vel demonstret Archimedes, nisi quòd motus naturalis non causetur ab alio, quàm ab excessu corporis in elemento, supra ipsum elementum, vel è conuerso, &c.

DEMONSTRATIO.

Sint exempli gratia, duo corpora G & O similia, puta spherica, & homogenea, quorum O superet G in quadrupla proportionem (nam si in quantitate superabit, excedet quoq; in gravitate per suprā dictam) medium verò sit uniforme, scilicet B D F M V. Verbi gratia, sint lineæ terminorum æquidistantes, sintq; eadem circulares supra Centro S: deinde per terminum A quo, transeat linea P I Q, per terminum verò ad quem, linea R M V T. Nunc infero, corpora G & O, inæquali tempore moueri per dictum spatium, motu naturæ, in prædicto medio. Si autē corpus O æquale esset corpori G, nulli dubium esset, quin mouerētur corpora illa, in tempore æquali per idem spatium, &c. Diuidam igitur corpus O, imaginatione in quatuor æquales partes suo toto similes. Sint itaque partes illæ H K L N, quarum verbi gratia Centra ponam in linea P Q, ita quòd distantia inter H & K eadem habeatur, quæ inter L & N, Lineam item K L, diuidā per æqualia per 29. tertij Euclidis, in pūcto I, qui quidem erit Centrum gravitatis corporum H K & L N, per com-

munem scientiam, coadiuuante tertia propositione libri Archimedis de Centris grauium. Præterea manifestum est, quòd vnumquodque corporum $HKLN$, in tempore æquali mouebitur à termino PIQ , ad terminum $RMVT$ ei in quo G . Per primam ergo conceptionem Euclidis, corpora omnia, scilicet $HKLN$ & G simul ab eodem instanti demissa, æqualiter mouebuntur, hoc est in tempore æquali, & semper linea transiens per eorum Centra, æquedistabit lineæ $RMVT$. Demùm si linea intelligatur per Centrum I , & corporis O diuisa per æqualia, tunc punctus ille diuisionis, erit Centrū ponderis $HKLN$ & O per suprā dicta: nunc verò, si linea illa intelligatur moueri vi corporum prædictorum, demissa à linea PQ , vel ei æquidistans (quia tunc etiam esset æquidistans $MVRT$, per communem scientiam) semper erit æquidistans $MVRT$, & corpus O in tempore æquali, motu naturæ mouebitur per datum spatium, ei in quo corpora $HKLN$, mouebuntur: Nam resistentia mediæ ad corpora $HKLN$ eadem est, quæ ad corpus O . Sed vt hoc lucidiùs pateat, intelligatur sic: Imaginemur (verbi gratia) duo corpora aquea, quorū alterum quidem æquale sit quātitati corporis O , reliquum verò corporis G , vel vni corporum $NLKH$ quod idem erit, tunc per 16. quinti proportio O ad G , vel ad vnum prædictorum corporum, eadem est, quæ aquei æqualis O , ad aqueū æquale G , sed per suprā demonstratā propositionem. Proportio grauitatis corporis aquei æqualis O , ad grauitatē aquei æqualis

æqualis G, eadem est, quæ inter quãtitates eorundem corporũ: at ea in rariori elemento librari, intelligere oportet. Erit ergo eadem proportio, quæ inter grauitates corporum O & G per 11. quinti, coadiuuante præmissa propositione. Præterea imaginemur, grauitates corporum aqueorum, subtrahi à grauitatibus corporum O & G: reliquæ verò grauitates illæ erunt, quæ absque impedimento medij mouebuntur per 7. Archimedis de insidentibus aque. Et cum per 15. quinti Euclidis, proportio istarum graui-




tatum eadem sit, quæ inter O & G, erit per suprâ dictam 19. quinti, resistentia medij ad O quadrupla ad resistentiam
D 3 tiam

tiam ad G . Idem quoque dico de vnoquoque corpore $N L$ $K H$. Patet igitur per communem scientiam, quòd resistentia medij ad corpora $N L K H$, æqualis est ei, quæ ad corpus O , sed idem est in quo G , per primam conceptionem Euclidis, quod est propositum.

Præterea si fuerint duo corpora eiusdem figuræ, sed diuersæ homogeneitatis, inæqualis etiam corporeitatis, & exempli gratia, vtrumque eorum grauius ipso medio, per quod feruntur: sit etiam minus eorum, grauius quàm maius, sed maius plus ponderet minori, tunc dico quòd minus velocius erit in motu, eaque proportionem erit temporis, in quo minus, ad tempus in quo maius, quæ est grauitatis speciei maioris, ad speciem minoris, sublata tanta grauitate ab utroque, quanta est medij in vnoquoque ipsorum. Sint exempli causa, duo corpora M & N eiusdem figuræ, at diuersæ homogeneitatis: sint etiam inæqualia, (nam de æqualibus nulli est dubium) quorū maius sit M , sed species corporis N , grauior sit specie corporis M . Esto etiam corpus M , grauius corpore N , & vtrumque eorum grauius corpore medio, per quod feruntur, tunc demonstrabo propositum. Intelligatur primum $A V I$ æqualis, similisque figuræ corpori M , sed speciei corporis N . Imaginemur etiam corpus M , medium grauitate excedere in dupla proportionem $A V I$ autem in octupla proportionem, modò verò motus corporis. $A V I$, erit in septupla proportionem celerior motu corporis M : quia resistentia medij ad corpus M , est subdupla, ad corpus verò $A V I$, suboctupla
per

per 7. Archimedis de insidentibus aquæ. Sed per præmissam ostensionem corpus N, in eodem tempore feretur, in quo corpus A V I. Quare per primam animi conceptionem, à Campano in Euclidem additam, patet propositum.



Eadem quoque ratio est motuum violentorum, deprehendendo proportionem à viribus mouentibus, sublata proportionem resistentiæ medij: Item ubi fiunt æquales anguli super Horizontem, aut infra, sed ordine contrario motui naturæ: quia motus violentus velocior est in principio, quàm in fine, & è conuerso accidit motui naturæ: Nam cum motu violēto semper motus naturæ aliquantulum

lum est permixtus, si horizontaliter, vel etiam angulariter supra aut infra Horizontem fuerit, & in tantum natura agit, quousque finem aliquem imponat motui violento: sed si perpendiculariter violentia facta fuerit supra Horizontem, & versus locum, quem corpus illud naturaliter petit, tunc natura minimè potest reluctari, quin violentia eam semper comitetur, respectu termini à quo. Præterea ex suprà dictis manifestè patet, falsum esse id, quod Arist. dicit in 7. Physicorum, capite ultimo, cum inquit: Si *A* quidem sit id, quod mouet, *B* verò id quod mouetur, & *C* sit longitudo, per quam, *D* autem tempus, in quo est motus, in tempore nimirum æquali, potentia æqualis. *A* dimidium ipsius *B*, per duplum mouebit ipsius *C*: per ipsum autem *C*, in dimidio *D*. Sic enim erit ratiōis similitudo, &c. Quod autem falsum sit, demonstrabo: Imaginemur primò duo corpora ut suprà in aliquo medio homogeneo &c. Sint verbi gratia, *M* & *N*, sitq; *M* duplum in quantitate corpori *N*, & pondus *N*, idem sit cum pondere *M*: sit quoque corpus *AVI* æquale corpori *M* in quantitate, & specie corporis *N*, tunc per communem scientiam corpus *AVI* duplum erit in gravitate corpori *M*. Positoque, quòd corpus *M*, duplum sit in gravitate supra medium, erit ergo corpus *AVI* quadruplum in gravitate supra idem medium. Quare sublata resistentia, relinquatur tēpus in quo corpus *AVI*, ad tēpus, in quo *M* in proportionem est sub tripla, at in quo corpus *AVI*, in eodem tēpore mouebitur corpus *N* per suprà dicta. Vel si in eodē

tem-


tempore corpus *N*, cum corpore *M* mouebitur, tamen spatium, per quod *N* triplum erit illi, per quod *M*. Nam eadem est ratio in motibus violentis. Idem præcisè eueniet, si vice excessus ponderis supra medium, accipiemus virtutem, siue potentiam mouentem, &c. vt supra.

Aristoteles similiter errat in 4. *Physicorum* capite 8. Vbi tractat de vacuo, quando dicit, quòd eadem erit proportio motuum alicuius corporis per diuersa elemēta, quæ est inter illa elementa. Vt si in duplo sit aēr aqua subtilior, duplo in tempore *B* medium pertransibit ad id tempus, in quo per medium *D* & *C* tempus duplum erit temporis *E*, & cæt. Nunc vero Aristotelis errorem demonstrabo. Intelligatur prius corpus aliquod transire per aquam naturali motu, vt exempli gratia, per datum spatium. Imaginemur etiam corpus illud duplo excessurum aquam ponderositate: aquam verò in dupla proportionem aërem excessuram grauitate, tunc corpus datum, quædruplum erit aëri. Quapropter in grauitate sublatis restitentijs temporis, in quo motus illius corporis in aëre per æquale spatium ei, per quod in aqua ad tempus, in quo per aquam in dato spatio mouetur, proportio erit subtripla, & non subdupla, vt vult Aristoteles. Errat quoq; Aristoteles in eodem cap. putās quòd si daretur motus in vacuo, eadem esset ratio temporis ad tempus, quæ inter corpora mouentia, quod quidem est impossibile per supra dicta. Quoniam mouerētur in tempore æquali, licet diuersarum fuissent specierum formarumq; corpora illa atq; magnitudinum.

dinum. Ex quo etiam loco facile colligere est, Aristotelis mentem fuisse, quod proportio motus ad motum, eadem sit, quam magnitudines habent inter se, secundum gravitatem, aut leuitatem simpliciter. Sed ut etiam hoc clariùs intelligatur: Sint corpora N & M in vacuo, sitq; corpus N eiusdem ponderis cum AVI , sed diuersæ sint species, & per consequens magnitudines diuersæ, tunc cum nullam habeant resistantiam corpora illa, nulli dubium erit, quin tempore æquali moueantur per æquale spatium. Accipiam igitur corpus AVI , speciei corporis N , sed quantitatis corporis M , modò vero methodo mediante, superioris demonstratæ ostensionis AVI & N , in tempore æquali cum corpore N per æquale spatium mouebitur. Quare per primam conceptionem in eodẽ, in quo M : Quare sequitur, & cæt. Præterea ubi etiam Arist. in 7. Physicorum loquitur de comparatione motuum, dicens, quod linea recta non est comparabilis lineæ curuæ, propterea quod inueniretur aliqua recta linea æqualis circularis lineæ, vel maior, aut minor. Nam quoniam propter definitionem ab ipso datam in 6. Physicorum, celeritati & tarditati motus, videtur ei non posse fieri, ut motus circularis cõparabilis sit motui recto, in quo manifestè decipitur & maximè, putans non posse inueniri lineam rectam æqualem maiorem aut minorem circulari lineæ: Cùm Archimedes in prima propositione suæ Geometriæ contrariũ demonstrat: & hoc Mathematica demonstratione, & non Aristotelis opinione: Archimedes enim demonstrat ibi, quo pacto pos-

simus

simus lineam rectam maiorem, vel minorem aliqua circulari linea inuenire, cōstituendo figuras rectilineas extra, vel intra circulum, & cæt. Posset enim aliquis dicere, quòd licet detur recta linea, maior vel minor aliqua circulari, non tamen fieri posse æqualem inuenire, quando in 15. tertij Euclidis demonstratur, posse inueniri angulum maiorem angulo contingentia, & per motum lineæ rectæ anguli maioris transitum fieri vsque ad lineam rectam, circulum contingentem, non tamen fieri posse, vt cum linea contingente faciat angulum æqualem contin-



gentiæ angulo. Ad hoc quidem respondeo, quòd quamuis detur maior angulus, non tamen datur minor: quoniam

E 2 si da-

si daretur minor, quemadmodum maior, similiter haberemus & æqualem. Exempli gratia: Sit circulus AC , quem contingat linea AB in puncto A , angulus contingentia erit BAC . Deinde sit circulus intrinsecè descriptus AE , contingens circumulum AC in pūcto A . Nam ad vnum tantum punctum continget circumulum AC per 12. tertij, & ita linea AB , continget circumulum AE , per communem scientiam, per quam angulus BAE , maior esset angulo BAC . Ita etiam, si circulus AD extrinsecè descriptus fuerit, angulus BAD , minor esset angulo BAC . Deinceps per eundem ordinem, quo maiorem vel minorem facimus, constituemus & æqualem, quod est intentum.


Quare sequitur, posse fieri contra id, quod inquit Aristoteles. Et ob eandem Aristotelis sententiam nonnulli putarunt fieri non posse, vt aliqua figurarum curuarum linearum æqualis inueniretur alicui figuræ rectilineæ, vel è conuerso, quod posse fieri, nunc demonstrabo: Sit exempli gratia, datus trigonus ABC . Nam quod de trigono dico, ita & de omnibus rectilineis figuris infero: cum omnes rectilineæ figuræ diuisibiles sint in triangulos, vt per 32. primi patet. Ex illis verò triangulis superficiem æquidistantium laterum si constituerimus per 44. primi, quoties oportuerit sumptam, quæ duplata adiutorio 36. primi, & in ea postea diametro protracta, tunc dimidium illius superficiæ triangulum habebimus æqualem sumptæ superficiæ per 41. primi vel rectilineæ datæ, per primam conceptionem, constituam superficiem à duabus curuis
lineis,

lineis, contentam ei æqualem. Diuido primum basim A C per æqualia in puncto H per 10. primi, & duco BH , quam etiam protraho quousq; HK dupla sit ad BH per 3. primi bis sumptam. Deinde ad dimidium HK , puta I , dirigo CI , & AI . Coniungo etiam AK , & CK per rectas lineas, tunc per primam sexti, isti trianguli omnes inuicem æquales erunt. Deinceps constituam superficiem æquidistantium laterum rectangulamque supra quamvis lineam, quæ quidem superficies æqualis sit Poligonio $ABCK$ per 44. primi quoties oportuerit sumptam, illa quidem superficies sit GD . In qua verò protraho diametrum FE , modò per 41. primi trigonis FGE , dimidium erit totius superficiæ, & per communem scientiam æqualis trigono BKC , & triplus trigono BHC . Nunc autem diuido FG per æqualia in puncto M per 10. primi, & protraho ML æquidistanter GE , per 31. primi. Ita quoque facio de linea ML , eam per æqualia diuidens in puncto N , per suprà dicta 10. primi. Postmodum per 44. primi bis sumptam æquidistantium laterum superficiem rectangulam fabrico supra lineam MN , æqualem quadrato lineæ FM , quæ quidem constet ex MN , & NO . Præterea ex MN transversa, & NO re-
cta, constituo parabolam ex angulo recto, ut minoris sit laboris: nam hoc sufficiet exemplum per 52. primi Apollonij Pergei, cuius parabole linea terminans transibit per puncta FN & G per eandem, & per 33. eiusdem FE tanget parabolam ad punctum F . Postea verò cum

trigonus $F E G$, triplus sit $B H C$ trigono, vt superius demonstraui, sed etiam portioni $F N G$ triplus per 17. Archimedis de quadratura parabole. Quare portio $F N G$ æqualis erit trigono $H B C$, per primam conceptionem in Euclide additam à Campano. Porrò duco $E G$ quousque per tertiam primi $G R$ æqualis $G R$. Protrahoe etiam $F R$ & $L M Q$: tunc per 4. primi triangulus $F G E$ æquilaterus, æquiangulusque erit triangulo $F G R$. Vltcrius $Q M$ est æquidistans $G R$, per communem scientiam, & per $R G$, primi angulus $F Q M$ æqualis angulo $F R G$, & angulus $F G R$ æqualis angulo $F M Q$, & cum angulus $R F G$, communis sit vtrique eorum, erit per 4. sexti eadem proportio $R G$ ad $Q M$, quæ $G F$ ad $M F$, sed vt $G F$ ad $M F$, ita est $G E$ ad $M L$. Quare per N quinti, ita se habet $G E$ ad $M L$, vt $G R$ ad $Q M$, sed per 16. eiusdem $M L$ ad $Q M$ se habet, vt $G E$ ad $G R$. Quapropter $M L$ æqualis $M Q$, quam $M Q$ diuido per æqualia in puncto X per 10. primi & faciã vt suprã. Postea verò per eiusdem suprã dictas ratioẽs portio $F X G$ æqualis erit trigono $A B H$, & toti superficies $F G N X$ æqualis erit toto trigono $A B C$, quod est propositum.

Conuersum autem sic patet: Data sit superficies contenta à duabus lineis parabolicis, puta $F N G$ & $F X G$, propositumq; sit, rectilineam superficiem (Verbi gratia) triangularem datae superficiei æqualem inuenire. Protrahoe primum $F G$: postea quidem per 44. secundi Apollonij Pergei inuenio diametrum parabolæ $F N G$, quæ sit $M N$,
quam

quæ n̄ protraho quousque NL æqualis sit MN : deinde
duco FL , quæ quidem tanget parabolam FNG in pun-
cto F , per 33. primi eiusdem: postmodum duco à puncto G
lineam GE æquidistantem diametro MNL per 31. pri-
mi Euclidis, quam produco, dum cōcurrat cum FL , quod
absq; dubio per secundam primi fiet Vitellionis, punctus



autem concursus sit E , deinde diuido FE in tres æquas
portiones per 11. sexti Euclidis, in punctis S & T , quæ
puncta,

puncta, coniungo cum puncto G per lineas FG & GR ,
 nunc erunt tres trianguli omnes sibi inuicem æquales per
 38. primi Euclidis. Deinceps constituo Trigonum BHC
 æqualem trigono FSG . Hoc modo protrabo HC ad æ-
 qualitatem GS per 4. primi Euclidis. Deinceps ad pun-
 ctum H designo angulum BHC æqualem angulo FSG
 per 23. primi Euclidis, & per 3. primi eiusdem duco H
 B , quousq; æqualis sit FS . Postea cōiungo BC per lineam,
 tunc per 4. primi eiusdem, erit triangulus BHC æqua-
 lis triangulo FSG , & erit æqualis portioni FNG , per
 17. Archimedis de quadratura Parabolæ, coadiuuante
 prima conceptione Euclidis. Similiter etiam facio de por-
 tione FGX , cui triangulus æqualis sit OPK . Postmo-
 dum protrabo PQ æquidistanter OK , & KV æqui-
 distanter OP , per 31. primi Euclidis, tunc per 41. eiusdem
 OPK dimidium erit superficiei OV . Nunc autem pro-
 duco aliquantulum CH . Deinde supra BH constituo
 superficiem laterum æquidistantium, habentem angulum
 BHA per 44. primi Euclidis bis sumptam, cuius super-
 ficiei diameter sit APB , tunc per 41. eiusdē cum prima
 conceptione, trigonis ABC , æqualis erit superficiei FG
 NX datae, quod est intentum.

Aristoteles, vt verum tandem fatear, excellentissimus
 fuit rerum perscrutator, sed nolo dicere, prout dicunt ali-
 qui (qui opera Aristotelis nunquam legerunt, aut non in-
 tellexerunt) quòd vnumquodq; verbum Aristotelis vna
 ferè est sententia, quòd etiā Aristoteles Deus fuerit Phi-
 loso.

loſophia, nec vnquam etiam in vno verbo errauerit, ſed diuinus in omnibus fuerit. O homines miſeri, qui ſi ſcuerēt, quid eſſet loqui cū demonstratione, & quid cum experientia ad ſenſum, nunquā talia dixiſſent. Nam ſenſus ſimpliciter in his rebus, quæ non ſunt propriè ſenſibiles. Multo-
 toties decipimur, & cū percipere nō poſſumus deceptionem, illo ſimplici ſenſu mediante, tunc nobis non poſſe fieri videtur, vt non ita ſit in rei veritate, quemadmodum ſenſui patet. Veluti exempli gratia: Quis ille eſt nō putans formam reflexam in ſuperficie aquæ immobilis, eiſdem magnitudinis videri atque ſit per rectam longitudinem, per medium vnius Diaphani collectam ex radiali linea, incidente & reflexa, cū hoc falſum ſit per G Q ſexti Vitellionis. Nam ſuperficies aquæ, eſt Sphærica, vt demonſtrat Ariſtoteles 2. de cælo cap. 4. ſed melius Archimedes propoſitione 2. in libro de ſubſidentibus aquæ. Propterea cū ſtella aliqua appareat nobis ſupra Horizontem, ipſa tamen reuera non eſt, ſicuti videtur. Imò eſt ſub Horizonte, quod ita patet: Sit ſtella I, Horizon autem R A T, terra verò E A M, cuius Centrum A, viſus autem E, vapores quidem O E. Deinde, cū autem linea radialis tranſiens ab aliquo Diaphano rariori, in aliquem Diaphanum denſiorem reſractionem faciat A perpendiculari per 45. ſecundi Vitellionis, patet itaque ſtellam I videri per lineam I O E, quæ quidē linea curua erit, propterea quòd ſimplex aër rarior eſt vaporibus, & ignis rarior eſt aëre: Demum materia cæli rarior eſt igne per 50. decimi Vi-

tellionis. Præterea pars etiam aëris superior, rarior est inferiori aëris parte. Idem quoque dico de aqua & de igne (si ignem dicere liceat supremam corporis partem, concavitati orbis Lunæ contiguam) & de vnaquaque



superiori parte elementorum. Et ita stella per lineam OE , videtur esse supra Horizontem in puncto V . Sed Vitellio etiã in decimo libro, propositione quadragesimanona docet prospectivè, instrumentaliterq; experiri, quo pacto stellæ extra propria loca in Horizonte videantur, propter incurvationem radiorum. Ex quo sequitur, quod non mathematicè definiunt Horizontem, dicentes, quod sit terminator visus, & ex circulis maioribus in Sphæra: cum per demonstrata, circulus terminator visus sit, secans Sphæram in duas inæquales portiones, & superior por-

portio inferiori maior sit. Nam si Horizon est terminator visus, & ex circulis maioribus, igitur terra non est æqualiter circumundi Centrum siue medium, aut medium mundi extra ipsam est. Si verò terra, æquè circumdat medium, ergo terminator visus, non est ex circulis maioribus in Sphæra, vel è contrà. Quare si quam primum stellam videbimus supra terminatorem visus, non propterea putandum est eam esse in duodecima cæli statione (hoc autem intelligendum est secundum rationalem modum) quia virtus stelle maximè apparet in circulo magno (cuius Polus est Zenith) transeunte per 90. Aequinoctialis gradum, ab intersectione eiusdè cum Meridiano, Orientem versus. Differentia præterea inter terminatorem visus & circulum maiorem, non est ex una tantummodo stellæ diametro, imò ex gradibus, quod si non esset, nullo modo propositione 49. decimi Vitellionis uti possemus. Quapropter non parvus fuit error dicentium, quòd Horizon sit & terminator visus, atque unus ex circulis maioribus in Sphæra, & quòd semper medietas cæli nobis: quoniam plus medietate nobis semper apparet, propter incurvationem radiorum. Sed harum rerum exempla, si quis voluerit, videat quartum Vitellionis librum, & decimum, nec non aliqua in secundo & quinto eiusdem. In quolibet etiam aliquid videbit, quo pacto facile sensu decipiamur, de reliquis verò sensibus, hoc nulli dubium est. Et propterea, non absque debili exiguoq. iudicio, vocant Aristotelem tam diuinum Principem Philosophiæ, atque impeccabilem.

cabilem. Eruditissimus Magister noster, sacrae Theologiae Doctor, Dominus Petrus Arches, philosophus clarissimus, ordinis sancti Dominici, in hoc optimè sentit, proportionaliter Aristoteli tribuens honorem, quod quidem non miror. Nam vir ille profundissimi est iudicij, in omnibus ferè scientijs doctissimus, qui quidem verè diuinum habet ingenium, sed de omnibus, soli Deo honor & gloria.

DE MOTV CELER. RIMO.

REstat nunc aliquid de motu celerrimo differere, qui vulgo incredibilis esse videtur, quòd contra quemuis fluuij rapidissimum cursum, etiam renitentibus ventis quibusque, nauigio fieri possit, etiam Hyberno tempore, aquarum abundantia tumefacto quouis fluuio. Nec inexpertis si sit incredibilis, mirum est: vulgus enim miraculum arbitratur, quod experti Mathematici, naturale & facillimum esse sciunt. Si enim plebecula ignorant proponeretur, aliquem posse in medijs vndis & fluctibus ad fundum Rheni descendere siccis vestibus, nec madida minima corporis parte, etiam ignem viuum ex aquae fundo secum deferre, ridiculosum omnino videretur & impossibile, quod nihilominus, Anno 1538. in Hispaniae Oppido Tolleti, in flumine Tago velocissimo, aurum generante contra Solis motum, non secus atque Danubius alijq̃ tres, in orbe cursum consumēte ab occasu inquam ad ortum, coram pie memorie
Caro-

Carolo Quinto Imperatore cum decem propemodum milibus hominum experientia vidi. Similia experimenta naturalia in medium proferre non opus est. Omitto, quod aliqui ausi sint affirmare, nauigium quoddam, vento & fluctibus vndosi maris tam veloci cursu coactum fuisse, ut stans Naclerus circa malum in carina, telum è balista torquens, ante pedes lapsum fecisse, nec proram vlllo modo attigisse. Audiui præterea à viris fide dignis Naclerum quendam Cantabrū ad anchoras Antvuerpiæ sedentem, vna die Dominico, sacro in summo peracto, soluisse, velisq; pansis, ventis secundis nauigasse, limina Sancti Iacobi in Compostella adysse, & reditum ilicò parasse felicioribus ventis, velisq; solitis sequenti proxima die Dominica Antvuerpiam eodem nauigio refluxisse. Quod fieri posse non nego, sed non sine maximo naufragio, & vitæ periculo, præsertim in reditu, flante vento Aphrico. Expertus sum & motum celerrimum, Anno 1551. à Drepani Sicilia, Trinacriæ portu Triremium Melitensium, siue sancti Ioannis in Hierusalem, non prius laxa vela mouebantur, donec in spatio 37. horarum Neapolim applicatum fuit. Distant tamen loca latitudine gradibus 5. ferè, præter aliquam longitudinis partem, qui in terra correspondent quadringentis & quinque miliaribus. Et hi motus fluxu impetuoso, & ventis rapidis causantur, sed modò contra venti furiam, & fluctuum rapiditatem com meatu deferendi gratia, iter alicubi tentandum est nauigio, hoc ipsum licebit etiam accessum sui, negante terra,


& minimo ferè labore, quod hîc inferiùs lucidè & clavis demonstrationibus ostendam. Sed mirantur aliquando etiam expertissimi Nautæ, cùm sese vndosi maris tēpestatibus committunt, quòd eiusdem ponderis & machinæ, & contenti, siue capacitatis, & ab eodem opifice elaboratum nauigium, æqualibus velis extensis, alterum alterius cursum tenere nequeat, debitam in omni nauigij fabrica proportionem ignorantes, profunditatis scilicet, latitudinis, altitudinis & longitudinis, quæ si ab opifice ignorentur, vix vnquam duo nauigia cursu æqualia dirigere poterit, aut aliud altero erit velocius, quòd clarissimè in Arsenariæ, & Thuneti siue Agoletæ expeditionibus notauimus, in quibus inter infinitas quasi naues, & præcipuè Triremes & Profumias, vix duæ eiusdem quantitatis, grauitatis, magnitudinis & capacitatis, iisdem ventis & totidem velis agitatæ parem inter se cursum tenere potuerunt, & id propter fabricæ differentem proportionem.

DE DEBITA CVIVSVIS NA- uigij proportionem.



IN omni nauigij fabrica, proportio exactissimè obseruari debet longitudinis, latitudinis, altitudinis, siue profunditatis, ne negligentia nauigij velocissimum cursum tardet, & periculum naufragij pariat. Debita igitur nauigij proportio est, vt prius longitudo, qualiscunque sit, maioris aut minoris quantitat

tatis nauigij, in 300. partes diuidatur, vt in hac figura li-
quet, quarū partium altitudini siue profunditati 30. con-
cedantur, pro decima parte totius requisitæ longitudinis:
Latitudini verò correspondebunt partes dictæ longitu-



dinis 50. siue longitudinis sexta pars. Sit præterea ma-
teria sicca & leuissîma, ne nimia materiei grauitas velo-
cissimum nauigij cursum tardet. Et hæc nauigiorum pro-
portio, cuiuscunque machinæ, nauigio est conuenientissi-
ma,

*ma, non minus atq; necessaria, utpote Sclattis pistris, nau-
ui onerariæ, Triremibus, Quadriremibus, Biremibus fu-
stis, nauib. exploratorijs, siue Bringantinis & similibus.*

DE HVIVS NAVIGII

fabrica.

Ratione mathematica sæpè tentavi, quo pacto & mo-
do cōtra cuiusvis fluuij cursum, Rheni, Danubij, Mos-
selle, Scaldæ, & aliorū ferè infinitorum, maxima pluuiæ,
& niuis liquefactæ copia ebullientium & ventorum fu-
ria, commeatus gratia deferendi, nauigium aptum ex-
trui possit, quod paruo labore, & sumptibus exiguis pa-
rari possit, obseruata prius dicta proportione, & dicto
nauigio ferè absoluto, tria à carina versus proram paran-
da sunt foramina, ut litera A B C, quibus tempore cur-
sus instrumenta, mira arte fabricata affigantur. In puppi
parari potest hypocaustum siue vaporarium paruo, quo
viatores quouis tempore commodè recipiantur. Iam pa-
rato & ædificato nauigio, leniendus est fundus seuo &
non pice tenaci, ut cursum celerius acceleret. Et hisce
absoluimus huiusce nauigij fabricam & proportionem,
simpliciora mechanicæ artis exercitia, fabris linquimus.

IN QVEM VSVM HOC NA-

uigii genus accommodari

possit

Sæpenumerò, præsertim hyemis tempore, accidit flu-
uios nimia aquæ abundantia exulceratos & tumefa-
ctos,

Etos, contra sui raptum nauigationem denegare, & exinde magno incolarum & ciuium incommodo, damno & iactura, commeatum impedire, qui scilicet contra fluxum aduehi debeat: quandoquidem facile fluxu aquæ, motus nauigij sustinetur. Ideo hoc nauigij genus in fauorem Reipublicæ sæpius ruminando, excogitavi, quo posteris gratitudinis sigillum confirmare possem. Nunc igitur de hoc motu (quem prædixi) celerrimo, hæc sufficiunt, quem proprijs viribus expertus sum: viâ fabricæ & vsus, hætenus satis aperui, ingenioso inuentis addere, pro sua cuiusq; artis excellentia, licebit. Videant præterea Brabantis quid commoditatis conferre possit, præsertim nauigaturis ab Antvuerpia Bruxellas in nouo Fluuio. Nā quod illi periculose, & maxima vexatione & quassatione curarum, per lutosâ itinera integro die tentant, sæpè ad cutem madefacti, & cæt. id nauigio commodè 5. horarum spatio aut quatuor, leuissimè & commodissimè absolui potest, etiam contranitentibus vndis & ventis.

Ne autē Lector nostra dicta videatur refutare, arbitratu ea, quæ miracula putat, naturæ limites excedere, vnica demonstratione elucidabo, quomodo scilicet quis in fundū alicuius aquæ aut fluuij, sicco corpore intrare possit, quod me vidisse in celebri Oppido & Regno Tolleti affirmari, coram piæ memoriæ Carolo Quinto Imperatore, & infinitis alijs spectatoribus. Sed hoc præmittendum erit, quòd naturaliter aqua siue mare, formam (prout alia elementa) sphericam appetit, & sua gibbositate quosuis

G altissimè

altissimos montes superat. Sed rursus dubium non bene perito nascetur: Si mare altius sit terra, quomodo fieri potest, ut illicò terram non submergat & tegat. Cui respondeo, siccitatem terræ, humori aquæ tantisper resistere posse, donec humiditatis nimie sit particeps, quod sic naturaliter experiri potest. Impleatur Cyathus, aut aliud vasculum plenum aqua aut vino, ita, ut videatur liquor tumens superare Cyathi margines, adhuc tamen vasculum multas auri partes recipiet, nulla aquæ guttula effusa. Sed si margines madefiāt, illicò aqua defluet: quia participat siccitas Cyathi ex humoribus aquæ. Quod melius adhuc probatur: Accipiaturs aqua in aliqua quantitate, & super mensam guttatim dispergatur, tumor aquæ formā (ut diximus) Sphæricam appetens, remanebit: sed si quis digito mensam madefaciat, aqua supersusa per madefacta mensæ loca defluet, desinetq; esse Sphærica, propter participationem, quam mēsa habet cum humiditate aquæ. Sæpè etiam contingit nonnullas villas, pagos & agros submergi nimia aquæ vicini fluij abundantia, sed tantisper (etsi tumida aqua in altissimū) abest periculum, donec pluuia è calo decedens, aggeres & littora madefaciat, quæ illicò cum humiditate participantia, fluxū, quin & rupturā, & exinde submerfionem Regionis admittant. Et hæc satis est pmonuisse. Nunc venio ad experientiam prædictā, Tolleret demonstratam à duobus Græcis, qui Cacabo magnæ amplitudinis accepto, orificio inuerso, funibus in aëre pendente, trabem & asseres in medio

*Alio concaui Cacabi affigunt, quibus se cum igne recipere-
 ret plumbis circumferentiam Cacobi circumquaq̃ equali-
 ter & eiusdem ponderis ad æquilibrium firmant, ne scili-
 cet dimissi in aquas Cacabi, aliqua pars circumferentiæ
 orificij, cacabi citius aut fortius aquas tãgeret: quia tunc
 facilè esset aquam aërem in Cacabo inclusum vincere, &
 in humores liquidos resolvere. Si verò debita proportionem
 lentè in aquas sic paratus Cacabus demittatur, aër in Ca-
 cabo inclusus (aqua resistente) locum sibi facit & violent-
 ter. Sic inclusi homines ibi, & in medijs aquis tantisper
 sicci remanent, donec successu temporis, aër ibidem inclu-
 sus, sæpè reiterata aspiratione debilitetur, & tandem in
 humores resolvitur grossiores, aquæ humiditate maiori
 consumptus. Sed si tempore Cacabus lentè extrahatur, re-
 manent sicci homines, & illæsus ignis, quod sic facilè pro-
 bari potest & naturaliter: Accipiat Cyathus vitreus,
 alicuius quantitatis, cuius orificij circumferentia latior
 sit peripheria fundi, & in eodem orificio affigatur parvus
 stipes, filo à superiori loco adiuncto, & huic stipiti cande-
 la parua cerea affigatur, cuius lumen ad medium Cyathi
 proveniat, ne nimia aquæ humiditas propinqua, cādelam
 suffocet. Dein proportionaliter injiciatur Cyathus cum ar-
 dente candela in vas plenum aqua, & demum lentè &
 proportionaliter Cyathus extrahatur, ita tamen ne ori-
 ficij circumferentiæ Cyathi aliqua pars prius eripiat, aut
 obliquè extrahatur, remanebit viua vt prius cande-
 la. Et hæ sunt naturales & Mathematicæ demonstratio-*

nes. Lector igitur nostra dicta non prius rideat, quam experientia sic posse fieri, discat. Iam desijt esse miraculum, quod euidenti demonstratione, naturale ostenditur. Sic fit in omnibus alijs, quæ vulgus impossibilia arbitrat, vt de crescentia fructuum, arborum & herbarum pululatione, tempore frigidissimæ hyemis. Miraculum & impossibile etiam vulgo videtur, quòd tempore pellaciæ & mitissimo aëre, naues in mari sedatissimo, tanquam immobiles aliquando detentæ, repētē deglutiantur in visceribus terræ: quod tamen naturaliter, tanquam terræ motus fieri potest. Ratio est, quia aër tanquam elemētum leue in visceribus terræ inclusus, ad circumferentiam naturaliter tendere cogitur, obstrusis poris violenter ibi retētus, irrupit, & crepatur terra, siue fundus maris, attrahens magnam aquæ copiam vsque ad supremam maris superficiem, & ideo naus ibi inuenta repētē à gurgite attracta, confunditur. Vix etiam aliquis crederet, aquā maris salsam in potabilem fieri posse & naturaliter, quod sæpè expertum est, sed diuersimodè. Alij volunt (prout testatur Gemma Phylosophica) aquam maris in vas quoddā cera mūda lenitum & circumductū imponendā, quæ paulatim per paruos cancellos lapsa, salsedinem perdat, & ita in potabile redigatur. Melius id fiet à simili vase per canalē lapideū, lapillis aliquibus mixtum, in aliud vas reite-ratis vicibus, si defluat. Tandē motu illo mitior & potabilis redditur. Sed vbi hætenus tāta maris et fluxus aquæ, & diuersorum motuum mentio facta est, libuit hic in medium

dium afferre dicta & scripta cuiusdam expertissimi viri, Frederici Delphini, artium & Medicinæ Doctoris, Mathematicarum disciplinarum in celeberrimo Gymnasio Patauino publici professoris, de fluxu & refluxu, seu decremento, aut accessu & recessu, & quiete falsa, seu motu inordinato aquæ maris. Licet à pluribus doctis viris, facta fuerit tractatio motus & quietis falsæ aquæ maris, videlicet fluxus & refluxus, seu crementi & decrementi, quia tamen non sunt omnes ita manifesti perspicuiq; in tractatibus eorum, nec possint ab omnibus legentibus tractatus eorum ita benè elici ex dictis eorum, necesse fuit hoc latius & diligentius ex illis scribere, & clarè exprimere, ut omnibus legentibus manifestentur.

Pro facili autem intelligentia horum duorum modorum motus aquæ maris, sequentium motum Solis & Lunæ, ad motum primi mobilis, est sciendum primò, quòd, ubicunq; sit homo in terra, Horizon eius, sicut dictum est suprà à me in tractatu meo de Sphæra, semper secatur ei cælum in duo media, & medietas cæli semper est supra Horizontem eius, & medietas infrà. Cum autè in omni medietate corporis Sphærici contineantur duæ quartæ, duæ quartæ cæli, semper erunt supra Horizontem eius, & duæ infrà. Quæ autem sunt supra Horizontem, dicuntur quartæ diurnæ: & quæ sunt sub Horizonte, dicuntur quartæ nocturnæ. Harum autem quatuor quarterum cæli, duæ sunt, in quibus fit fluxus, seu crementum aquæ maris, & duæ, in quibus fit refluxus, seu crementum aquæ maris. Quar-

46 DE FLUXU ET
ta, in quibus fit fluxus, seu crementum, sunt quarta, quæ
est ab ortu ad meridiem supra Horizontem, quæ est quar-
ta accessionis diurnæ, seu crementi diurni, & quarta ei
opposita, quæ est ab occasu ad medium noctis sub Hori-
zonte, quæ est quarta accessionis nocturnæ. Quartæ au-
tem, in quibus fit refluxus, seu decrementum, sunt quar-
ta, quæ est à meridie ad occasum supra Horizontem, quæ
est quarta accessionis diurnæ, & quarta ei opposita, quæ
est à medio noctis ad ortum sub Horizonte, quæ est quar-
ta recessionis nocturnæ.

Sciendum est etiam secundò, quòd oculo sunt puncta in
cælo pro fluxu, & refluxu, seu cremento & decremento
aquæ maris, quorum quatuor sunt fortia, & quatuor de-
bilia. Debilium duo sunt debilia pro fluxu, seu cremento,
& duo pro refluxu, seu decremento. Debilia pro fluxu, seu
cremento, sunt punctum Orientis, & punctum Occiden-
tis, quæ sunt principia duarum quartarum fluxus. Debi-
lia pro refluxu, seu decremento, sunt punctum meridiæ,
& punctum mediæ noctis, quæ sunt principia duarum
quartarum refluxus. Et ista quatuor puncta distant ad-
inuicem per quartam cæli. Fortium duo sunt fortia pro
fluxu, seu cremento, & duo pro refluxu, seu decremento.
Fortia pro fluxu, seu cremento, sunt punctum medium
inter Orientem, & Meridiem in quarta diurna fluxus,
distant ab Oriente per 45. gradus (& à meridie similiter:
& punctum medium inter Occidentem, & medium no-
ctis in quarta nocturna fluxus) distant ab occasu per 45.
gra-

gradus, & à medio noctis similiter. Fortia pro refluxu sunt punctum medium inter Meridiem, & occasum in quarta diurna refluxus, distans à Meridie per 45. gradus, & ab occasu similiter: & punctum medium inter medium noctis, & ortum, in quarta nocturni refluxus, distans à medio noctis per 45. gradus, & ab ortu similiter. Et sicut puncta debilia distant adinuicem per quartam cœli: ita ista fortia distant adinuicem per quartam cœli, habentibus Horizontem rectum.

Sciendum est etiam tertio, quòd præter ista octo puncta dicta, habentibus Horizontem rectum, sunt multa alia puncta equipotentia, seu æqualis virtutis: & talia puncta sunt omnia puncta cœli æqualiter distantia, & quatuor punctis principalibus. cœli, quæ puncta principalia cœli sunt puncta Orientis, punctum occidentis, punctum meridiei, & punctum mediæ noctis, vel à quatuor punctis fortibus cœli, quod est idem: in quartis tamen contrariæ operationis. Sunt enim omnia talia puncta æqualis virtutis, seu equipotentia in mouendo aquam maris. In Horizonte autem obliquo aliter est, vt infra videbitur.

Sciendum est quarto, quòd Sol, & Luna omni Mense sunt simul in eodem signo, gradu & minuto, & iste situs appellatur Coniunctio Lunæ cum Sole. Inde ad 8. dies, vel circa, Luna est elongata à Sole per motum eius proprium per quartam partem cœli: & hæc elongatio appellatur quadratura prima Lunæ cum Sole. Inde 14. dies, vel circa, est elongata à Sole, per aliam quartam partem cœli,

cæli, & sic per medietatem cæli. Et hæc distantia appellatur oppositio Lunæ cum Sole, seu plenilunium. Inde ad 21. dies, vel circa, est elongata ab oppositione eius cum Sole, seu plenilunio, per aliam quartam partem cæli, accedens ad ipsum Solem. Et hæc distantia, appellatur quadratura secunda Lunæ cum Sole. Et tunc Luna distat à Sole per quartam partem cæli, sicut distabat in quadratura prima. Accedit ad Coniunctionem eius cum Sole. Inde ad 20. dies vel circa, Luna est iterum cum Sole, & ei coniuncta, sicut primò fuit.

Sciendum quintò & vltimò, quòd Sol & Luna, ambo simul omni die naturali, quæ est tempus 24. horarum ad motum primi mobilis, sunt causæ fluxus & refluxus, seu crementi, & decrementi aquæ maris bis. Istis declarationibus præmissis, & benè memoria retentis, declaremus quomodo Sol & Luna, ambo simul omni die naturali ad motū primi mobilis sunt causæ fluxus & refluxus, seu crementi & decrementi aquæ maris bis. Si enim declarationes præmissæ, benè memoria teneantur, & maximè istæ, videlicet quæ sunt quartæ cæli, in quibus fit fluxus, seu crementum aquæ maris: & quæ sunt quartæ cæli, in quibus fit refluxus, seu decrementum aquæ maris: & quæ sunt puncta fortia pro fluxu, & quæ sunt puncta fortia pro refluxu, & quæ sunt debilia pro fluxu, & quæ sunt debilia pro refluxu, tota narratio motus & quietis, falsæ aquæ maris, clara erit.

Sciendum est primò (quantum ad fluxum, & refluxum,

xum, seu crementum, & decrementum aquæ maris ad motum primi mobilis) quòd quando Sol, & Luna sunt coniuncti simul, quæ coniunctio appellatur nouilunium, dum feruntur ad motum primi mobilis ab ortu ad meridiem: quia ambæ virtutes videlicet Solis & Lunæ, sunt vnitæ simul: & ambo luminaria, videlicet Sol & Luna, feruntur continuè ad motum primi mobilis per quartam fluxus, seu crementi diurni, quæ est ab ortu ad meridiem, fit continuè fluxus, seu crementum diurnum aquæ maris: & dum feruntur à meridie ad occasum, quia feruntur continuè per quartam refluxus, seu decrementi diurni, fit continuè refluxus, seu decrementum diurnum: et dum feruntur ab occasu ad medium noctis, quia feruntur per quartam fluxus nocturni, iterum fit continuè fluxus, seu crementum, scilicet nocturnum: & dum feruntur à medio noctis ad ortum, quia feruntur per quartam refluxus, seu decrementi nocturni, iterum fit continuè refluxus, seu decrementum, scilicet nocturnum. Et sic bis in die naturali fit fluxus, & bis refluxus, seu bis crementum, & bis decrementum aquæ maris.

Sciendum secundò, quòd quando Luna post coniunctionem eius cum Sole, per motum eius proprium elongatur à Sole versus Orientem, secundum ordinem signorum eundo versus quadraturam primam eius cum Sole, quam appellant Nautæ, il Quartirone, semper antequam Luna per motum eius proprium veniat ad illam quartam primam, quæ est distantia Lunæ à Sole versus Orientem, secundum ordinem signorum per quartam partem cæli, quan

H do Sol

do Sol est tantum super Horizontē ex parte Orientis in quarta fluxus diurni, quantū D est sub Horizonte ex eadem parte orientis in 4^a. refluxus nocturni, quia tunc ☉ tantum distat à puncto forti fluxus super Horizontem, quantum D à puncto forti refluxus sub Horizonte ipsi sunt equipotentes: & ideo tunc nec fit fluxus, neq. refluxus aquæ maris, sed aqua maris videtur stare, & tunc Veneti dicūt, L'acqua è stanca. Cū aut ☉ per motum primi mobilis accedit ad punctū forte fluxus, qui est supra Horizontē in quarta diurna fluxus, D per eundē motum primi mobilis recedit & elongatur, tantundē à puncto forti refluxus, qui est sub Horizonte in 4^a. nocturni refluxus, accedendo versus punctum orientis debile fluxus: & tunc quia Sol est magis propinquus puncto forti fluxus, qui est supra Horizontē in quarta diurna fluxus, quā D puncto forti refluxus, qui est sub Horizonte in 4^a. nocturna refluxus, debilitatur refluxus, & fortificatur fluxus: & aqua maris tūc incipit fluere, & quātō magis ☉ appropinquat puncto forti fluxus, qui est supra Horizontē in 4^a. diurna fluxus, tantō magis D elongatur à puncto forti refluxus, qui est sub Horizonte in 4^a. nocturna refluxus, appropinquando puncto orientis debili fluxus, & ideo continuatur fluxus. Cū aut ☉ per motū primi mobilis peruenit ad punctū forte fluxus, qui est supra Horizontē in quarta diurna fluxus, D est elongata à puncto forti refluxus, qui est supra Horizontem in 4^a. nocturna refluxus, & facta est, ppinqua pūcto orientis debi-

debili fluxus, & ideo adhuc cōtinuatur fluxus. Cū autē
 D venerit ad punctū orientis debile fluxus, ipsa tunc ad
 motum I. mobilis mouetur per 4. diurnam fluxus, acce-
 dendo scilicet ad punctū forte fluxus, qui est supra Hori-
 zontē: ☉, quia distat à D minus quarta, similiter moue-
 tur per eandē 4. diurnam fluxus, accedendo scilicet ad
 punctum meridiei debile refluxus: & ideo, quia ambo mo-
 uentur per 4. diurnā fluxus, cōtinuatur fluxus. Et cū ☉
 per motū I mobilis peruenit ad punctū meridiei debile re-
 fluxus, quia D tunc est magis propinqua puncto forti flu-
 xus, qui est supra, quā ☉ puncto forti refluxus, qui est su-
 pra Horizontē in 4. diurna refluxus, continuabitur ad
 huc fluxus, & cū D venerit ad punctū forte fluxus in
 4. diurna fluxus, ☉ non erit adhuc in puncto forti refu-
 xus in 4. diurna refluxus, eò, quia ☉ distat à D minus
 quarta, sed accedet ad ipsum, & D tunc recedet à puncto
 forti fluxus, & minus distabit ab eo, quam Sol à puncto
 forti refluxus, & ideo adhuc continuabitur fluxus, donec
 Sol sit tantum ultra meridiem versus occidentē in quar-
 ta diurna fluxus, quantum Luna citra meridiem versus
 orientem in quarta diurna fluxus: & tunc ☉ tantum di-
 stabit à puncto forti refluxus, qui est supra Horizontem
 ultra meridiē in quarta diurna refluxus, quātum D à pun-
 cto forti fluxus, qui est supra Horizontē ante meridiem
 in quarta diurna fluxus: & ex continenti ☉ & D erunt
 equipotentes, & non fiet fluxus, neque refluxus, sicut
 prius dictum. Cū autem Sol per motum primi mobilis

accedet ad punctum fortè refluxus in quarta diurna refluxus, Luna per eundem motum primi mobilis elongabitur tantundem à puncto forti fluxus in quarta diurna fluxus, accedendo versus punctum meridiei debile refluxus, & tunc Luna plus distabit à puncto forti fluxus, quam Sol à puncto forti refluxus: & sic Sol erit potentior Luna: & ideo tunc incipiet refluxus aquæ maris, & continuabitur secundum quod Sol appropinquabit puncto forti refluxus in quarta diurna refluxus: & Luna elongabitur à puncto forti fluxus in quarta diurna fluxus: & cum Sol veniet ad punctum forte refluxus, Luna erit elongata à puncto forti fluxus: & ideo adhuc continuabitur refluxus. Et cum Luna veniet ad punctum meridiei debile refluxus, Sol erit elongatus à puncto forti refluxus in quarta diurna refluxus, accedendo versus punctum Occidentis debile fluxus. Minus tamen distabit Sol à puncto forti refluxus, quàm Luna à puncto forti fluxus: & ideo adhuc continuabitur refluxus, & cum Sol veniet ad punctum occidentis debile fluxus, Luna facta erit propinqua puncto forti refluxus, qui est supra Horizontem in quarta diurna refluxus, & minus distabit ab eo, quam Sol à puncto forti fluxus, qui est sub Horizonte in quarta nocturna fluxus: eò, quia ipsa distat à Sole minus quarta parte cœli, & ideo adhuc continuabitur refluxus, donec Sol fuerit tantum infra Horizontem ex parte occidentis in quarta nocturna fluxus, quantum Luna supra Horizontem, ex parte occidentis in quarta

nocturna fluxus, quantum Δ supra Horizontē ex eadem parte occidentis in quarta diurna refluxus. Et quia tunc Sol tantum distabit à puncto forti fluxus, qui est sub Horizonte, ex parte occidentis in quarta nocturna fluxus, quantum Luna à puncto forti refluxus, qui est supra Horizontem ex eadem parte occidentis in quarta diurna refluxus, tunc Sol & Luna erunt equipotentes, & nō fiet fluxus, neque refluxus. Cū autem Sol per motum primi mobilis accedet ad punctum forte fluxus, qui est sub Horizonte in quarta nocturna fluxus, Luna per eundem motum primi mobilis elongabitur tantundem à puncto forti refluxus, qui est supra Horizontem in quarta diurna refluxus: & tunc Sol minus distabit à puncto forti fluxus in quarta nocturna fluxus, quam Luna à puncto forti refluxus in quarta diurna refluxus: & ideo Sol erit potentior Luna. Et tunc iterum incipiet fluxus, & continuabitur, sicut dictum est prius, donec Sol sit tantum ultra medium noctis versus orientem in quarta nocturna refluxus, quantum Luna citra medium noctis versus occidentem in quarta nocturna fluxus: & tunc tantum distabit Sol à puncto forti refluxus, quantum Luna à puncto forti fluxus: & ex continenti tunc Sol, & Luna erunt equipotentes, & non fiet fluxus, neque refluxus. Cū autem Sol per motum primi mobilis accedit ad punctum forte refluxus in quarta nocturna refluxus, Luna per eundem motum primi mobilis recedit, & elongatur tantundem à puncto forti fluxus in quarta nocturna fluxus, ac-

cedendo versus punctum mediæ noctis debile refluxus: & tunc Sol minus distabit à puncto forti refluxus in quarta nocturna refluxus, quam Luna à puncto forti fluxus in quarta nocturna fluxus: & tunc debilitatur fluxus, & fortificatur refluxus, & aqua maris tunc iterum incipit refuere, & continuabitur refluxus, sicut dictū est prius, donec Sol sit tantum supra Horizontem ex parte orientis, quantum Luna sub Horizonte, ex eadem parte orientis: & tunc Sol tantum distabit à puncto forti fluxus, qui est supra Horizontem in quarta diurna fluxus, quantum Luna à puncto forti refluxus, qui est sub Horizonte in quarta nocturna refluxus: & tunc Sol & Luna erunt equipotentes, & non fiet fluxus, neque refluxus. Deinde quotidie, id est in qualibet die, naturali similis, ut iam dicta est, mutatio redibit, donec Luna per motū eius proprium veniat ad quadraturam primam eius cum Sole, quam appellant Nautæ, il Quartirone. Cum verò Luna venerit ad quadraturam primam eius cum Sole, tunc cum Sol erit in puncto orientis debiti pro fluxu, Luna erit in puncto mediæ noctis debiti pro refluxu: & tunc Sol tantum distabit à puncto forti fluxus, qui est supra Horizontem, ex parte orientis in quarta diurna fluxus, quantum Luna à puncto forti refluxus, qui est sub Horizonte, ex eadem parte orientis in quarta nocturna refluxus: & sic Sol & Luna erunt equipotentes, & non fiet fluxus, neque refluxus notabilis scilicet, sed fient minima crementa, & minima decrementa. Cum autem Sol
per.

per motum primi mobilis accedet ad punctum forte fluxus, qui est supra Horizontem, ex parte orientis in quarta diurna fluxus, Luna per eundem motum primi mobilis accedet similiter tantundem ad punctum forte refluxus, qui est sub Horizonte ex eadē parte orientis in quarta nocturna refluxus, & continuē ad motum diurnum tantum distabit Sol à puncto forti fluxus, qui est supra Horizontem in quarta diurna fluxus, quantum Luna à puncto forti refluxus, qui est sub Horizonte in quarta nocturna refluxus, & ex continenti Sol & Luna continuē erunt equipotentes, donec Sol per motum primi mobilis veniat ad punctum forte fluxus, qui est supra Horizontem: & tunc similiter Luna veniet ad punctum forte refluxus, qui est sub Horizonte, eò, quia ista puncta distant adinuicem per quartā cœli, sicut Sol & Luna distant adinuicem per quartam cœli, et cū Sol per motum primi mobilis recedet à puncto forti fluxus, qui est supra Horizontem in quarta diurna fluxus, accedendo versus punctum meridiei debile refluxus, Luna per eundem motum primi mobilis recedet similiter tantundem à puncto forti refluxus, qui est sub Horizonte, accedendo versus punctū orientis debile fluxus, & cōtinuē tantum distabit Sol à puncto forti fluxus, qui est supra Horizontem, quantum ☽ à puncto forti refluxus, qui est sub Horizonte, donec ☉ veniet ad punctū meridiei debile refluxus, & tunc ☽ similiter veniet ad punctū orientis debile fluxus, & Sol & ☽ per totum istud tempus erunt equipotentes

continuè, & ex continenti non fiet fluxus, neq; refluxus notabilis, scilicet eodem modo fiet, dum Sol ad motum primi mobilis mouebitur à meridie ad occasum: quia tunc Luna per eundem motum primi mobilis mouebitur ab ortu ad meridiem. Et similiter dum Sol mouebitur ab occasu ad medium noctis, quia tunc Luna mouebitur à meridie ad occasum: & similiter dum Sol mouebitur à medio noctis ad ortum: quia tunc Luna mouebitur ab occasu ad medium noctis. Et sic in toto tempore vnius reuolutionis cœli, quod est vna dies naturalis 24. horarum, aqua maris nec fluet, nec refluet sensibiliter, sed videbitur stare: quia Sol & Luna in toto tempore illius reuolutionis cœli, erunt æquipotentes semper sine notabili disparitate: & istud accidit circa octauam diem post coniunctionem Lunæ cum Sole: & istam quietem falsam aquæ maris appellant Veneti, Acqua de fele. Et vtuntur isto dicto: Da gli otto a i noue l' acqua non si moue.

Cum autem Luna elongatur à Sole vltra quadraturam primam, tendendo versus oppositionem eius cum Sole, tunc semper donec Luna veniet ad oppositionem eius cum Sole, cum Sol erit tantum supra Horizontem, ex parte orientis in quarta diurna fluxus, quantum Luna sub Horizonte ex eadem parte orientis in quarta nocturna refluxus, Sol tantum distabit à puncto forti fluxus, qui est supra Horizontem in quarta diurna fluxus, recedendo ab eo per motum primi mobilis, & accedendo ad punctum meridiæ debile refluxus, quantum Luna à puncto forti
reflus

refluxus, qui est sub Horizonte in quarta nocturna refluxus, accedendo ad ipsum per eundem motum primi mobilis, & tunc Sol & Luna erunt equipotentes, & non fiet fluxus, neque refluxus. Cum autem Sol per motum primi mobilis accedet ad punctum Meridiei debile refluxus, Luna per eundem motum primi mobilis accedet: seu appropinquabit tantundem puncto forti refluxus, qui est sub Horizonte in quarta nocturna refluxus, & tunc Luna erit magis propinqua puncto forti refluxus, qui est sub Horizonte in quarta nocturna refluxus, quam Sol puncto forti fluxus, qui est supra Horizontem in quarta diurna fluxus, & ideo tunc incipiet refluxus: quia Luna erit potentior Sole: & secundum quod Sol per motum primi mobilis appropinquabit puncto Meridiei debili refluxus, Luna per eundem motum primi mobilis appropinquabit tantundem puncto forti refluxus, qui est sub Horizonte: & sic continuabitur refluxus, donec Sol veniat ad punctum Meridiei debile refluxus: & cum Sol per motum primi mobilis recedet a puncto Meridiei debili refluxus, & mouebitur per quartam diurnam refluxus, appropinquando puncto forti refluxus: Luna per eundem motum primi mobilis elongabitur tantundem a puncto forti refluxus, qui est sub Horizonte in quarta nocturna refluxus, & mouebitur etiam ipso per quartam refluxus, sicut Sol accedendo ad punctum orientis debile fluxus, eò, quia Sol & Luna distant adinuicem plusquam per quartam celi: & sic am-

bo mouebuntur per quartas refluxus, & propter hoc continuabitur refluxus, donec Sol sit tantum ultra meridiem versus occidentem in quarta diurna refluxus, quantum Luna citra meridiem versus orientem in quarta diurna fluxus: & tunc Sol tantum distabit à puncto forti refluxus in quarta diurna refluxus recedendo ab eo per motum primi mobilis versus occidentem, quantum Luna à puncto forti fluxus, qui est supra Horizontem in quarta diurna fluxus accedendo ad ipsum, & sic Sol & Luna, erunt equipotentes, & tunc non fiet fluxus, neque refluxus. Cum autem Sol per motum primi mobilis elongabitur à puncto forti refluxus, qui est supra Horizontem in quarta diurna fluxus accedendo ad punctum Occidentis debile fluxus, Luna per eundem motum primi mobilis appropinquabit tantundem puncto forti fluxus, qui est supra Horizontem in quarta diurna fluxus, & Luna tunc erit magis propinqua puncto forti fluxus in quarta diurna fluxus, quam Sol puncto forti refluxus in quarta diurna refluxus: & sic Luna erit potentior Sole, & tunc incipiet fluxus: & sicut Sol continuè elongabitur à puncto forti refluxus in quarta diurna refluxus, ita Luna continuè appropinquabit puncto forti fluxus in quarta diurna fluxus, & sic continuabitur fluxus, & cum Sol veniet ad punctum Occidentis debile fluxus, Luna adhuc mouebit per quartam diurnam fluxus, eò, quia Sol & Luna distant adinuicem plusquam per quartam cæli, & tunc Luna erit magis propin-

propinqua puncto forti fluxus in quarta diurna fluxus, quam Sol puncto forti fluxus, qui est sub Horizonte in quarta nocturna fluxus, & ideo continuabitur fluxus, & cum Luna veniet ad punctum Meridiei debile refluxus, Sol transibit punctum Occidentis debile fluxus appropinquando puncto forti fluxus, qui est sub Horizonte in quarta nocturna fluxus, & tunc Sol erit magis propinquus puncto forti fluxus, qui est sub Horizonte in quarta nocturna fluxus, quam Luna puncto forti refluxus, qui est supra Horizontem in quarta diurna refluxus, & sic Sol erit potentior Luna, & ideo continuabitur fluxus, & cum Sol veniet ad punctum forte fluxus, qui est sub Horizonte in quarta nocturna fluxus, Luna adhuc non erit in puncto forti refluxus, qui est supra horizontem in quarta diurna refluxus, eò, quia Luna distat à Sole plusquam per quartam cœli, & ideo adhuc continuabitur fluxus, donec Sol sit tantum sub horizonte ex parte occidentis in quarta nocturna fluxus, quantum Luna supra horizontē ex eadem parte Occidentis in quarta diurna refluxus, & tūc Sol tantum distabit à puncto forti fluxus, qui est sub horizonte in quarta nocturna fluxus, accedēdo ad punctum mediæ noctis debile refluxus, quantum Luna à puncto forti refluxus, qui est supra horizontē in quarta diurna refluxus accedendo ad ipsum, & ideo Sol & Luna, erunt æquipotentes, & non fiet fluxus, neq; refluxus. Postea cum Sol per motum primi motus elongabitur à puncto forti fluxus, qui est sub horizonte,

ex parte Occidentis in quarta nocturna fluxus, accedendo versus punctum mediæ noctis debile refluxus: Luna per eundem motum primi mobilis appropinquabit tantundem puncto forti refluxus, qui est supra Horizontem in quarta diurna refluxus, accedendo ad ipsum: & sic Luna erit magis propinqua puncto forti refluxus, quàm Sol puncto forti fluxus, & ideo incipiet refluxus, & continuabitur modo dicto, donec Sol sit tantum ultra medium noctis, versus Orientem in quarta nocturna refluxus, quantum Luna ante medium noctis, versus Occidentem in quarta nocturna fluxus: & tunc Sol tantum distabit à puncto forti refluxus in quarta nocturna refluxus recedendo ab eo versus prædictum Orientis debile fluxus, quantum Luna à puncto forti fluxus, in quarta nocturna fluxus accedendo ad ipsum: & tunc Sol, & Luna erunt æquipotentes, & non fiet fluxus, neque refluxus. Cùm autem Sol per motum primi mobilis elongabitur à puncto forti refluxus sub Horizonte, qui est in quarta nocturna refluxus, accedendo versus punctum Orientis debile fluxus, Luna per eundem motum primi mobilis appropinquabit tantundem puncto forti fluxus, qui etiam est sub Horizonte in quarta nocturna fluxus accedendo ad ipsum: & quia Luna tunc est magis propinqua puncto forti fluxus, qui est in quarta nocturna fluxus, quàm Sol puncto forti refluxus, qui est in quarta nocturna refluxus, tunc incipit fluxus, & continuatur modo dicto, donec Sol sit tan-

tum super Horizontem, ex parte Orientis in quarta diurna fluxus, quantū Luna sub Horizonte ex eadem parte Orientis in quarta nocturna refluxus. Et quia Sol tantum distabit à puncto forti fluxus, qui est supra Horizontem in quarta diurna fluxus, accedendo per motum primi mobilis versus punctum meridiei debile refluxus, quantum Luna à puncto forti refluxus, qui est sub Horizonte in quarta nocturna refluxus accedendo per eundem motum primi mobilis versus ipsum, ipsi erunt equipotentes, & non fiet fluxus, neque refluxus, & isto modo continuabitur fluxus, & refluxus in omni die naturali, donec Luna veniat ad oppositionem eius cum Sole.

Quando autem Luna veniet ad oppositionem eius cum Sole, tunc quando Sol erit in puncto Orientis debili fluxus, Luna erit in puncto Occidentis similiter debili fluxus: & tunc incipiet fluxus, & continuabitur, quamdiu Sol mouebitur ad motum primi mobilis à puncto Orientis debili fluxus per quartam diurnam fluxus ad punctum meridiei debile refluxus: & Luna tunc in toto isto tempore mouebitur similiter ad motum primi mobilis à puncto occidentis debili fluxus. per quartam nocturnam fluxus ad punctum mediæ noctis debile refluxus: & tunc cessabit fluxus, & incipiet refluxus, & durabit quamdiu Sol ad motum primi mobilis mouebitur à puncto meridiei debili refluxus per quartam diurnam refluxus, vsque ad punctum Occidentis debile fluxus, & Luna tunc in toto isto tempore mouebitur similiter ad motum

primi mobilis à puncto mediæ noctis debili refluxus per quartam nocturnam refluxus vsque ad punctum orientis debile fluxus, & tunc cessabit refluxus, & iterum incipiet fluxus, & durabit quamdiu Sol ad motum primi mobilis mouebitur à puncto occidentis debili fluxus, per quartam nocturnam fluxus vsque ad punctum mediæ noctis debile refluxus: & tunc Luna in toto isto tempore per eundem motum primi mobilis mouebitur à puncto orientis similiter debili fluxus, per quartam diurnam fluxus vsque ad punctum meridiei debile refluxus, & tunc cessabit fluxus, & incipiet refluxus, et durabit quamdiu Sol ad motum primi mobilis mouebitur à puncto mediæ noctis debili refluxus, per quartam nocturnam refluxus vsq; ad punctum orientis debile fluxus: & tunc Luna in toto isto tempore per eundem motum primi mobilis mouebitur à puncto meridiei similiter debili refluxus, per quartam diurnam refluxus vsq; ad punctum occidentis debile fluxus, & tunc cessabit refluxus.

Cum autem Luna transibit oppositionem eius cum Sole per motum eius proprium tendendo ad quadraturam secundam eius cum Sole: tunc quando Luna fuerit tantum supra Horizontem ex parte orientis in quarta diurna fluxus, quantum Sol sub Horizonte ex eadem parte orientis in quarta nocturna refluxus, quia Luna tunc tantum distabit à puncto forti fluxus, qui est supra Horizontem in quarta diurna fluxus, quantum Sol à puncto forti refluxus, qui est sub Horizonte ex eadem parte orientis

entis in quarta nocturna refluxus: tunc Sol & D erunt
 equipotentes, & non fiet fluxus neque refluxus. Cum
 autem Luna per motum primi mobilis elongabitur à pun-
 cto forti fluxus, qui est supra Horizontem in quarta di-
 urna fluxus, accedendo versus punctum meridiani debile
 refluxus, Sol per eundem motum primi mobilis appropin-
 quabit tantumdem puncto forti refluxus, qui est sub Ho-
 rizonte in quarta nocturna refluxus, accedendo ad ip-
 sum: & tunc quia Sol minus distabit à puncto forti re-
 fluxus, qui est sub Horizonte ex parte orientis in quar-
 ta nocturna refluxus, quam Luna à puncto forti fluxus,
 qui est supra Horizontem ex eadem parte orientis in
 quarta diurna fluxus incipiet refluxus, & cōtinuabitur.
 Et cum Luna per motum primi mobilis perueniet ad
 punctum meridiani debile refluxus, Sol adhuc erit sub Ho-
 rizonte in quarta nocturna refluxus, eò, quia Sol & Lu-
 na distant adinuicem plusquam per quartam celi, &
 Luna tunc ad motum primi mobilis mouebitur per quar-
 tam diurnam refluxus, sicut etiā Sol modò per quartam
 nocturnam refluxus, accedendo ad punctum forte re-
 fluxus in quarta diurna refluxus, & sic continuabitur
 refluxus: et cum D appropinquabit puncto forti refluxus
 in quarta diurna refluxus, O appropinquabit puncto ori-
 entis debili fluxus in quarta nocturna refluxus, et magis
 distabit à puncto forti fluxus, qui est supra Horizontem
 in quarta diurna fluxus, quam D à puncto forti refluxus,
 qui est similiter super Horizontē in 4^a. diurna refluxus,
 & sic

& sic continuabitur refluxus, donec Luna sit tantum
 ultra meridiem versus Occidentem in quarta diurna re-
 fluxus, quantum Sol ante Meridiem versus Orientem
 in quarta diurna fluxus: & tunc Luna tantum distabit
 à puncto forti refluxus in quarta diurna refluxus, quan-
 tum Sol à puncto forti fluxus in quarta diurna fluxus:
 & sic Sol & Luna erunt equipotentes, & non fiet flu-
 xus, neque refluxus. Cum autem Luna per motum primi
 mobilis elongabitur à puncto forti refluxus accedendo
 versus punctum Occidentis debile fluxus, Sol per eundem
 motum primi mobilis appropinquabit tantundem pun-
 cto forti fluxus in quarta diurna fluxus: & tunc quia
 Sol erit magis propinquus puncto forti fluxus, qui est in
 quarta diurna fluxus, quam Luna puncto forti refl-
 xus, qui est in quarta diurna refluxus, incipiet fluxus,
 & continuabitur secundum quod Luna ad motum pri-
 mi mobilis elongabitur à puncto forti refluxus in quar-
 ta diurna refluxus, accedendo versus punctum Occiden-
 tis debile fluxus: & Sol appropinquabit puncto forti
 fluxus in quarta diurna fluxus accedendo ad ipsum: &
 cum Luna veniet ad motum primi mobilis ad punctum
 Occidentis debile fluxus, Sol adhuc per eundem motum
 primi mobilis mouebit per quartam diurnam fluxus,
 eò, quia Sol & Luna distant adinuicem plusquam per
 quartam cæli, & Sol erit magis propinquus puncto forti
 fluxus in quarta diurna fluxus, quam Luna puncto for-
 ti refluxus in quarta diurna refluxus, ideo continuabi-

tur

tur fluxus, & cū Sol veniet ad punctum meridiei debile refluxus, Luna erit sub Horizonte ex parte occidentis in quarta nocturna fluxus, & erit magis propinqua puncto forti fluxus, qui est sub Horizonte in quarta nocturna fluxus, quā Sol puncto forti refluxus, qui est supra Horizontem in quarta diurna refluxus: ideo adhuc continuabitur fluxus, donec Luna sit tantum sub Horizonte ex parte occidentis in quarta nocturna fluxus, quantum Sol supra Horizontem ex eadem parte occidentis in quarta diurna refluxus, & tunc Luna tantum distabit à puncto forti fluxus sub Horizonte in quarta nocturna fluxus, accedendo versus punctum mediæ noctis debile refluxus, quantum Sol à puncto forti refluxus supra Horizontem in quarta diurna refluxus, accedendo ad ipsum: & sic Sol & Luna erunt equipotentes, & non fiet fluxus neque refluxus. Cū autem Luna per motum primi mobilis elongabitur à puncto forti fluxus sub Horizonte in quarta nocturna fluxus accedendo versus punctum mediæ noctis debile refluxus, Sol per eundem motum primi mobilis appropinquabit tantundem puncto forti refluxus, qui est supra Horizontem in quarta diurna refluxus accedendo ad ipsum, & tunc Sol erit magis propinquus puncto forti refluxus, qui est supra Horizontem in quarta diurna refluxus, quā Luna puncto forti fluxus, qui est sub Horizonte in quarta nocturna fluxus, & ideo tunc incipiet refluxus, & continuabitur secundum quod Luna elongabitur à puncto forti fluxus.

accedet ad punctum fortè refluxus in quarta diurna refluxus, Luna per eundem motum primi mobilis elongabitur tantundem à puncto forti fluxus in quarta diurna fluxus, accedendo versus punctum meridiei debile refluxus, & tunc Luna plus distabit à puncto forti fluxus, quam Sol à puncto forti refluxus: & sic Sol erit potentior Luna: & ideo tunc incipiet refluxus aquæ maris, & continuabitur secundum quod Sol appropinquabit puncto forti refluxus in quarta diurna refluxus: & Luna elongabitur à puncto forti fluxus in quarta diurna fluxus: & cum Sol veniet ad punctum forte refluxus, Luna erit elongata à puncto forti fluxus: & ideo adhuc continuabitur refluxus. Et cum Luna veniet ad punctum meridiei debile refluxus, Sol erit elongatus à puncto forti refluxus in quarta diurna refluxus, accedendo versus punctum Occidentis debile fluxus. Minus tamen distabit Sol à puncto forti refluxus, quam Luna à puncto forti fluxus: & ideo adhuc continuabitur refluxus, & cum Sol veniet ad punctum occidentis debile fluxus, Luna facta erit propinqua puncto forti refluxus, qui est supra Horizontem in quarta diurna refluxus, & minus distabit ab eo, quam Sol à puncto forti fluxus, qui est sub Horizonte in quarta nocturna fluxus: eò, quia ipsa distat à Sole minus quarta parte cæli, & ideo adhuc continuabitur refluxus, donec Sol fuerit tantum infra Horizontem ex parte occidentis in quarta nocturna fluxus, quantum Luna supra Horizontem, ex parte occidentis in quarta

nocturna fluxus, quantum Δ supra Horizontē ex eadem parte occidentis in quarta diurna refluxus. Et quia tunc Sol tantum distabit à puncto forti fluxus, qui est sub Horizonte, ex parte occidentis in quarta nocturna fluxus, quantum Luna à puncto forti refluxus, qui est supra Horizontem ex eadem parte occidentis in quarta diurna refluxus, tunc Sol & Luna erunt equipotentes, & nō fiet fluxus, neque refluxus. Cū autem Sol per motum primi mobilis accedet ad punctum forte fluxus, qui est sub Horizonte in quarta nocturna fluxus, Luna per eundem motum primi mobilis elongabitur tantundem à puncto forti refluxus, qui est supra Horizontem in quarta diurna refluxus: & tunc Sol minus distabit à puncto forti fluxus in quarta nocturna fluxus, quam Luna à puncto forti refluxus in quarta diurna refluxus: & ideo Sol erit potentior Luna. Et tunc iterum incipiet fluxus, & continuabitur, sicut dictum est prius, donec Sol sit tantum ultra medium noctis versus orientem in quarta nocturna refluxus, quantum Luna citra medium noctis versus occidentem in quarta nocturna fluxus: & tunc tantum distabit Sol à puncto forti refluxus, quantum Luna à puncto forti fluxus: & ex continenti tunc Sol, & Luna erunt equipotentes, & non fiet fluxus, neque refluxus. Cū autem Sol per motum primi mobilis accedit ad punctum forte refluxus in quarta nocturna refluxus, Luna per eundem motum primi mobilis recedit, & elongatur tantundem à puncto forti fluxus in quarta nocturna fluxus, ac-

cedendo versus punctum mediæ noctis debile refluxus: & tunc Sol minus distabit à puncto forti refluxus in quarta nocturna refluxus, quam Luna à puncto forti fluxus in quarta nocturna fluxus: & tunc debilitatur fluxus, & fortificatur refluxus, & aqua maris tunc iterum incipit refluere, & continuabitur refluxus, sicut dictū est prius, donec Sol sit tantum supra Horizontem ex parte orientis, quantum Luna sub Horizonte, ex eadem parte orientis: & tunc Sol tantum distabit à puncto forti fluxus, qui est supra Horizontem in quarta diurna fluxus, quantum Luna à puncto forti refluxus, qui est sub Horizonte in quarta nocturna refluxus: & tunc Sol & Luna erunt equipotentes, & non fiet fluxus, neque refluxus. Deinde quotidie, id est in qualibet die, naturali similis, ut iam dicta est, mutatio redibit, donec Luna per motū eius proprium veniat ad quadraturam primam eius cum Sole, quam appellant Nautæ, il Quartirone. Cū verò Luna venerit ad quadraturam primam eius cum Sole, tunc cū Sol erit in puncto orientis debiti pro fluxu, Luna erit in puncto mediæ noctis debiti pro refluxu: & tunc Sol tantum distabit à puncto forti fluxus, qui est supra Horizontem, ex parte orientis in quarta diurna fluxus, quantum Luna à puncto forti refluxus, qui est sub Horizonte, ex eadem parte orientis in quarta nocturna refluxus: & sic Sol & Luna erunt equipotentes, & non fiet fluxus, neque refluxus notabilis scilicet, sed fient minima crementa, & minima decrementa. Cū autem Sol per.

per motum primi mobilis accedet ad punctum forte fluxus, qui est supra Horizontem, ex parte orientis in quarta diurna fluxus, Luna per eundem motum primi mobilis accedet similiter tantundem ad punctum forte refluxus, qui est sub Horizonte ex eadē parte orientis in quarta nocturna refluxus, & continuē ad motum diurnum tantum distabit Sol à puncto forti fluxus, qui est supra Horizontem in quarta diurna fluxus, quantum Luna à puncto forti refluxus, qui est sub Horizonte in quarta nocturna refluxus, & ex continenti Sol & Luna continuē erunt equipotentes, donec Sol per motum primi mobilis veniat ad punctum forte fluxus, qui est supra Horizontem: & tunc similiter Luna veniet ad punctum forte refluxus, qui est sub Horizonte, eò, quia ista puncta distant adinuicem per quartā cœli, sicut Sol & Luna distant adinuicem per quartam cœli, et cū Sol per motum primi mobilis recedet à puncto forti fluxus, qui est supra Horizontem in quarta diurna fluxus, accedendo versus punctum meridiei debile refluxus, Luna per eundem motum primi mobilis recedet similiter tantundem à puncto forti refluxus, qui est sub Horizonte, accedendo versus punctū orientis debile fluxus, & cōtinuē tantum distabit Sol à puncto forti fluxus, qui est supra Horizontem, quantum ☽ à puncto forti refluxus, qui est sub Horizonte, donec ☉ veniet ad punctū meridiei debile refluxus, & tunc ☽ similiter veniet ad punctū orientis debile fluxus, & Sol & ☽ per totum istud tempus erunt equipotentes

continuè, & ex continenti non fiet fluxus, neq; refluxus notabilis, scilicet eodem modo fiet, dum Sol ad motum primi mobilis mouebitur à meridie ad occasum: quia tunc Luna per eundem motum primi mobilis mouebitur ab ortu ad meridiem. Et similiter dum Sol mouebitur ab occasu ad medium noctis, quia tunc Luna mouebitur à meridie ad occasum: & similiter dum Sol mouebitur à medio noctis ad ortum: quia tunc Luna mouebitur ab occasu ad medium noctis. Et sic in toto tempore vnius reuolutionis cœli, quod est vna dies naturalis 24. horarum, aqua maris nec fluet, nec refluet sensibiliter, sed videbitur stare: quia Sol & Luna in toto tempore illius reuolutionis cœli, erunt æquipotentes semper sine notabili disparitate: & istud accidit circa octauam diem post coniunctionem Lunæ cum Sole: & istam quietem falsam aquæ maris appellant Veneti, Acqua de fele. Et vtuntur isto dicto: Da gli otto a i noue l'acqua non si moue.

Cùm autem Luna elongatur à Sole vltra quadraturam primam, tendendo versus oppositionē eius cum Sole, tunc semper donec Luna veniet ad oppositionem eius cum Sole, cùm Solerit tantum supra Horizontem, ex parte orientis in quarta diurna fluxus, quantum Luna sub Horizonte ex eadem parte orientis in quarta nocturna refluxus, Sol tantum distabit à puncto forti fluxus, qui est supra Horizontem in quarta diurna fluxus, recedendo ab eo per motum primi mobilis, & accedendo ad punctum meridiani debile refluxus, quantum Luna à puncto forti
reflus

refluxus, qui est sub Horizonte in quarta nocturna refluxus, accedendo ad ipsum per eundem motum primi mobilis, & tunc Sol & Luna erunt equipotentes, & non fiet fluxus, neque refluxus. Cum autem Sol per motum primi mobilis accedet ad punctum Meridiei debile refluxus, Luna per eundem motum primi mobilis accedet: seu appropinquabit tantundem puncto forti refluxus, qui est sub Horizonte in quarta nocturna refluxus, & tunc Luna erit magis propinqua puncto forti refluxus, qui est sub Horizonte in quarta nocturna refluxus, quam Sol puncto forti fluxus, qui est supra Horizontem in quarta diurna fluxus, & ideo tunc incipiet refluxus: quia Luna erit potentior Sole: & secundum quod Sol per motum primi mobilis appropinquabit puncto Meridiei debili refluxus, Luna per eundem motum primi mobilis appropinquabit tantundem puncto forti refluxus, qui est sub Horizonte: & sic continuabitur refluxus, donec Sol veniat ad punctum Meridiei debile refluxus: & cum Sol per motum primi mobilis recedet à puncto Meridiei debili refluxus, & movebitur per quartam diurnam refluxus, appropinquando puncto forti refluxus: Luna per eundem motum primi mobilis elongabitur tantundem à puncto forti refluxus, qui est sub Horizonte in quarta nocturna refluxus, & movebitur etiam ipso per quartam refluxus, sicut Sol accedendo ad punctum orientis debile fluxus, eò, quia Sol & Luna distant adinvicem plusquam per quartam cœli: & sic am-

bo mouebuntur per quartas refluxus, & propter hoc continuabitur refluxus, donec Sol sit tantum ultra meridiem versus occidentem in quarta diurna refluxus, quantum Luna citra meridiem versus orientem in quarta diurna fluxus: & tunc Sol tantum distabit à puncto forti refluxus in quarta diurna refluxus recedendo ab eo per motum primi mobilis versus occidentem, quantum Luna à puncto forti fluxus, qui est supra Horizontem in quarta diurna fluxus accedendo ad ipsum, & sic Sol & Luna, erunt equipotentes, & tunc non fiet fluxus, neque refluxus. Cum autem Sol per motum primi mobilis elongabitur à puncto forti refluxus, qui est supra Horizontem in quarta diurna fluxus accedendo ad punctum Occidentis debile fluxus, Luna per eundem motum primi mobilis appropinquabit tantundem puncto forti fluxus, qui est supra Horizontem in quarta diurna fluxus, & Luna tunc erit magis propinqua puncto forti fluxus in quarta diurna fluxus, quam Sol puncto forti refluxus in quarta diurna refluxus: & sic Luna erit potentior Sole, & tunc incipiet fluxus: & sicut Sol continuè elongabitur à puncto forti refluxus in quarta diurna refluxus, ita Luna continuè appropinquabit puncto forti fluxus in quarta diurna fluxus, & sic continuabitur fluxus, & cum Sol veniet ad punctum Occidentis debile fluxus, Luna adhuc mouebit per quartam diurnam fluxus, eò, quia Sol & Luna distant adinuicem plusquam per quartam cœli, & tunc Luna erit magis propin-

propinqua puncto forti fluxus in quarta diurna fluxus, quam Sol puncto forti fluxus, qui est sub Horizonte in quarta nocturna fluxus, & ideo continuabitur fluxus, & cum Luna veniet ad punctum Meridiei debile refluxus, Sol transibit punctum Occidentis debile fluxus appropinquando puncto forti fluxus, qui est sub Horizonte in quarta nocturna fluxus, & tunc Sol erit magis propinquus puncto forti fluxus, qui est sub Horizonte in quarta nocturna fluxus, quam Luna puncto forti refluxus, qui est supra Horizontem in quarta diurna refluxus, & sic Sol erit potentior Luna, & ideo continuabitur fluxus, & cum Sol veniet ad punctum forte fluxus, qui est sub Horizonte in quarta nocturna fluxus, Luna adhuc non erit in puncto forti refluxus, qui est supra horizontem in quarta diurna refluxus, eò, quia Luna distat à Sole plusquam per quartam cœli, & ideo adhuc continuabitur fluxus, donec Sol sit tantum sub horizonte ex parte occidentis in quarta nocturna fluxus, quantum Luna supra horizontē ex eadem parte Occidentis in quarta diurna refluxus, & tūc Sol tantum distabit à puncto forti fluxus, qui est sub horizonte in quarta nocturna fluxus, accedēdo ad punctum mediæ noctis debile refluxus, quantum Luna à puncto forti refluxus, qui est supra horizontē in quarta diurna refluxus accedendo ad ipsum, & ideo Sol & Luna, erunt equipotentes, & non fiet fluxus, neq; refluxus. Postea cum Sol per motum primi motus elongabitur à puncto forti fluxus, qui est sub horizonte,

ex parte Occidentis in quarta nocturna fluxus, accedendo versus punctum mediæ noctis debile refluxus: Luna per eundem motum primi mobilis appropinquabit tantundem puncto forti refluxus, qui est supra Horizontem in quarta diurna refluxus, accedendo ad ipsum: & sic Luna erit magis propinqua puncto forti refluxus, quàm Sol puncto forti fluxus, & ideo incipiet refluxus, & continuabitur modo dicto, donec Sol sit tantum ultra medium noctis, versus Orientem in quarta nocturna refluxus, quantum Luna ante medium noctis, versus Occidentem in quarta nocturna fluxus: & tunc Sol tantum distabit à puncto forti refluxus in quarta nocturna refluxus recedendo ab eo versus prædictum Orientis debile fluxus, quantum Luna à puncto forti fluxus, in quarta nocturna fluxus accedendo ad ipsum: & tunc Sol, & Luna erunt equipotentes, & non fiet fluxus, neque refluxus. Cùm autem Sol per motum primi mobilis elongabitur à puncto forti refluxus sub Horizonte, qui est in quarta nocturna refluxus, accedendo versus punctum Orientis debile fluxus, Luna per eundem motum primi mobilis appropinquabit tantundem puncto forti fluxus, qui etiam est sub Horizonte in quarta nocturna fluxus accedendo ad ipsum: & quia Luna tunc est magis propinqua puncto forti fluxus, qui est in quarta nocturna fluxus, quàm Sol puncto forti refluxus, qui est in quarta nocturna refluxus, tunc incipit fluxus, & continuatur modo dicto, donec Sol sit tantum

tum super Horizontem, ex parte Orientis in quarta di-
urna fluxus, quantū Luna sub Horizonte ex eadem par-
te Orientis in quarta nocturna refluxus. Et quia Sol tan-
tum distabit à puncto forti fluxus, qui est supra Hori-
zontem in quarta diurna fluxus, accedendo per motum
primi mobilis versus punctum meridiei debile refluxus,
quantum Luna à puncto forti refluxus, qui est sub Hori-
zonte in quarta nocturna refluxus accedendo per eun-
dem motum primi mobilis versus ipsum, ipsi erunt equi-
potentes, & non fiet fluxus, neque refluxus, & isto mo-
do continuabitur fluxus, & refluxus in omni die natu-
rali, donec Luna veniat ad oppositionem eius cum Sole.

Quando autem Luna veniet ad oppositionem eius cum
Sole, tunc quando Sol erit in puncto Orientis debili flu-
xus, Luna erit in puncto Occidentis similiter debili flu-
xus: & tunc incipiet fluxus, & continuabitur, quamdiu
Sol mouebitur ad motum primi mobilis à puncto Orien-
tis debili fluxus per quartam diurnam fluxus ad pun-
ctum meridiei debile refluxus: & Luna tunc in toto isto
tempore mouebitur similiter ad motum primi mobilis à
puncto occidentis debili fluxus. per quartam nocturnam
fluxus ad punctum medie noctis debile refluxus: & tunc
cessabit fluxus, & incipiet refluxus, & durabit quam-
diu Sol ad motum primi mobilis mouebitur à puncto me-
ridiei debili refluxus per quartam diurnam refluxus,
vsque ad punctum Occidentis debile fluxus, & Luna
tunc in toto isto tempore mouebitur similiter ad motum

primi mobilis à puncto mediæ noctis debili refluxus per quartam nocturnam refluxus vsque ad punctum orientis debile fluxus, & tunc cessabit refluxus, & iterum incipiet fluxus, & durabit quamdiu Sol ad motum primi mobilis mouebitur à puncto occidentis debili fluxus, per quartam nocturnam fluxus vsque ad punctum mediæ noctis debile refluxus: & tunc Luna in toto isto tempore per eundem motum primi mobilis mouebitur à puncto orientis similiter debili fluxus, per quartam diurnam fluxus vsque ad punctum meridiei debile refluxus, & tunc cessabit fluxus, & incipiet refluxus, et durabit quamdiu Sol ad motum primi mobilis mouebitur à puncto mediæ noctis debili refluxus, per quartam nocturnam refluxus vsq; ad punctum orientis debile fluxus: & tunc Luna in toto isto tempore per eundem motum primi mobilis mouebitur à puncto meridiei similiter debili refluxus, per quartam diurnam refluxus vsq; ad punctum occidentis debile fluxus, & tunc cessabit refluxus.

Cum autem Luna transibit oppositionem eius cum Sole per motum eius proprium tendendo ad quadraturam secundam eius cum Sole: tunc quando Luna fuerit tantum supra Horizontem ex parte orientis in quarta diurna fluxus, quantum Sol sub Horizonte ex eadem parte orientis in quarta nocturna refluxus, quia Luna tunc tantum distabit à puncto forti fluxus, qui est supra Horizontem in quarta diurna fluxus, quantum Sol à puncto forti refluxus, qui est sub Horizonte ex eadem parte orientis

entis in quarta nocturna refluxus: tunc Sol & D erunt
 equipotentes, & non fiet fluxus neque refluxus. Cum
 autem Luna per motum primi mobilis elongabitur à pun-
 cto forti fluxus, qui est supra Horizontem in quarta di-
 urna fluxus, accedendo versus punctum meridiei debile
 refluxus, Sol per eundem motum primi mobilis appropin-
 quabit tantundem puncto forti refluxus, qui est sub Ho-
 rizonte in quarta nocturna refluxus, accedendo ad ip-
 sum: & tunc quia Sol minus distabit à puncto forti re-
 fluxus, qui est sub Horizonte ex parte orientis in quar-
 ta nocturna refluxus, quam Luna à puncto forti fluxus,
 qui est supra Horizontem ex eadem parte orientis in
 quarta diurna fluxus incipiet refluxus, & cōtinuabitur.
 Et cum Luna per motum primi mobilis perueniet ad
 punctum meridiei debile refluxus, Sol adhuc erit sub Ho-
 rizonte in quarta nocturna refluxus, eò, quia Sol & Lu-
 na distant adinuicem plusquam per quartam cœli, &
 Luna tunc ad motum primi mobilis mouebitur per quar-
 tam diurnam refluxus, sicut etiã Sol modò per quartam
 nocturnam refluxus, accedendo ad punctum forte re-
 fluxus in quarta diurna refluxus, & sic continuabitur
 refluxus: et cum D appropinquabit puncto forti refluxus
 in quarta diurna refluxus, O appropinquabit puncto ori-
 entis debili fluxus in quarta nocturna refluxus, et magis
 distabit à puncto forti fluxus, qui est supra Horizontem
 in quarta diurna fluxus, quam D à puncto forti refluxus,
 qui est similiter super Horizontē in 4^a. diurna refluxus,
 & sic

Et sic continuabitur refluxus, donec Luna sit tantum
 ultra meridiem versus Occidentem in quarta diurna re-
 fluxus, quantum Sol ante Meridiem versus Orientem
 in quarta diurna fluxus: Et tunc Luna tantum distabit
 à puncto forti refluxus in quarta diurna refluxus, quan-
 tum Sol à puncto forti fluxus in quarta diurna fluxus:
 Et sic Sol Et Luna erunt equipotentes, Et non fiet flu-
 xus, neque refluxus. Cum autem Luna per motum primi
 mobilis elongabitur à puncto forti refluxus accedendo
 versus punctum Occidentis debile fluxus, Sol per eundem
 motum primi mobilis appropinquabit tantundem pun-
 cto forti fluxus in quarta diurna fluxus: Et tunc quia
 Sol erit magis propinquus puncto forti fluxus, qui est in
 quarta diurna fluxus, quam Luna puncto forti refu-
 xus, qui est in quarta diurna refluxus, incipiet fluxus,
 Et continuabitur secundum quod Luna ad motum pri-
 mi mobilis elongabitur à puncto forti refluxus in quar-
 ta diurna refluxus, accedendo versus punctum Occiden-
 tis debile fluxus: Et Sol appropinquabit puncto forti
 fluxus in quarta diurna fluxus accedendo ad ipsum: Et
 cum Luna veniet ad motum primi mobilis ad punctum
 Occidentis debile fluxus, Sol adhuc per eundem motum
 primi mobilis movebit per quartam diurnam fluxus,
 eò, quia Sol Et Luna distant adinuicem plusquam per
 quartam cæli, Et Sol erit magis propinquus puncto forti
 fluxus in quarta diurna fluxus, quam Luna puncto for-
 ti refluxus in quarta diurna refluxus, ideo continuabi-
 tur

tur fluxus, & cū Sol veniet ad punctum meridiei debile refluxus, Luna erit sub Horizonte ex parte occidentis in quarta nocturna fluxus, & erit magis propinqua puncto forti fluxus, qui est sub Horizonte in quarta nocturna fluxus, quā Sol puncto forti refluxus, qui est supra Horizontem in quarta diurna refluxus: ideo adhuc continuabitur fluxus, donec Luna sit tantum sub Horizonte ex parte occidentis in quarta nocturna fluxus, quantum Sol supra Horizontem ex eadem parte occidentis in quarta diurna refluxus, & tunc Luna tantum distabit à puncto forti fluxus sub Horizonte in quarta nocturna fluxus, accedendo versus punctum mediæ noctis debile refluxus, quantum Sol à puncto forti refluxus supra Horizontem in quarta diurna refluxus, accedendo ad ipsum: & sic Sol & Luna erunt equipotentes, & non fiet fluxus neque refluxus. Cū autem Luna per motum primi mobilis elongabitur à puncto forti fluxus sub Horizonte in quarta nocturna fluxus accedendo versus punctum mediæ noctis debile refluxus, Sol per eundem motum primi mobilis appropinquabit tantundem puncto forti refluxus, qui est supra Horizontem in quarta diurna refluxus accedendo ad ipsum, & tunc Sol erit magis propinquus puncto forti refluxus, qui est supra Horizontem in quarta diurna refluxus, quā Luna puncto forti fluxus, qui est sub Horizonte in quarta nocturna fluxus, & ideo tunc incipiet refluxus, & continuabitur secundum quod Luna elongabitur à puncto forti fluxus.

xus, qui est sub Horizonte in quarta nocturna fluxus
 appropinquando puncto mediae noctis debili refluxus, &
 Sol appropinquabit puncto forti refluxus, qui est supra
 Horizontem in quarta diurna refluxus: & cum Luna
 per motum primi mobilis veniet ad punctum mediae no-
 ctis debile refluxus, Sol adhuc erit supra Horizontem
 ex parte occidentis in quarta diurna refluxus accedens
 per motum primi mobilis ad punctum occidentis debile
 fluxus, & eo, quia Sol & Luna distant a invicem plus
 quam per quartam, & tunc Sol plus distabit à puncto for-
 ti fluxus, qui est sub Horizonte ex parte occidentis in
 quarta nocturna fluxus, quam Luna à puncto forti refu-
 xus, qui etiā est sub Horizonte ex parte orientis in quar-
 ta nocturna refluxus, & ideo continuabitur refluxus, do-
 nec Luna sit tantum ultra medium noctis versus oriētem,
 quantum Sol ante medium noctis versus occidentem, &
 tunc Luna tantū distabit à puncto forti refluxus in quar-
 ta nocturna refluxus, recedendo ab eo per motum primi
 mobilis, & accedendo ad punctū orientis debile fluxus,
 quantum Sol à puncto fluxus in quarta nocturna fluxus
 accedendo per eundem motum primi mobilis ad ipsum,
 & sic Sol & Luna erunt equipotentes, & non fiet flu-
 xus neque refluxus. Cum autem Luna per motum primi
 mobilis elongabitur à puncto forti refluxus, qui est sub
 Horizonte ex parte orientis in quarta nocturna refu-
 xus versus punctum orientis debile fluxus, Sol per eun-
 dem motum primi mobilis appropinquabit tantundem
 pun-

Puncto forti fluxus, qui est sub Horizonte ex parte occidentis in quarta nocturna fluxus accedendo ad ipsum, & tunc, quia Luna erit magis remota à puncto forti refluxus, quàm Sol à puncto forti fluxus, tunc incipiet fluxus, quia Sol erit potentior Luna, & quantò magis Luna elongabitur à puncto forti refluxus in quarta nocturna refluxus, tantò magis Sol appropinquabit puncto forti fluxus in quarta nocturna fluxus, & sic continuabitur fluxus: & cùm Luna veniet ad punctum orientis debile fluxus, Sol adhuc erit in quarta nocturna fluxus, eò, quia Sol distat à Luna plusquam per quartam cœli, & erit Sol magis propinquus puncto forti fluxus in quarta nocturna fluxus, quàm Luna puncto forti refluxus, qui est in quarta nocturna refluxus: & sic adhuc continuabitur fluxus, donec Luna sit tantum supra Horizontem ex parte orientis, quantum Sol sub Horizonte ex eadem parte orientis, & tunc Luna tantum distabit à puncto forti fluxus, qui est supra Horizontem in quarta diurna fluxus recedendo ab eo per motum primi mobilis versus punctum meridiei debile refluxus, quantum Sol à puncto forti refluxus, qui est sub Horizonte in quarta nocturna refluxus accedendo ad ipsum per eundem motum primi mobilis: & sic Sol & Luna erunt æquipotentes, & nō fiet fluxus neq; refluxus, & iterum prior dispositio redibit, & continuabitur talis fluxus & refluxus omni die naturali isto modo, donec Luna veniat ad quadraturam eius cum Sole.

Cum verò Luna erit in quadratura secunda, tunc aqua maris nec fluet, nec refluet, sed videbitur quiescere, ut faciebat in quadratura prima, in qua in tota revolutione cœli Luna & Sol semper erant equipotentes propter causas sibi dictas: quia eadem causæ adsunt in quadratura secunda, quæ adsunt in quadratura prima, & istud est circa XXI. dies, & istam quietem aquæ maris appellant Veneti, sicut supra dictum est, Acqua de sefe, & utuntur isto dicto: Da vent' uno à ventidue, l'acqua non va ne su, ne giù.

Cum autem Luna pertransibit motum eius proprium, hanc quadraturam secundam tendendo ad coniunctionem eius cum Sole, tunc Luna distabit à Sole minus quarta parte cœli: & tunc cum ipsa fuerit tantum supra Horizontem ex parte Oriētis in quarta diurna fluxus, quantum Sol sub Horizonte ex eadem parte orientis in quarta nocturna refluxus, tunc Luna tantum distabit à puncto forti fluxus, qui est supra Horizontem in quarta diurna fluxus accedendo ad ipsum per motum primi mobilis, quantum Sol à puncto forti refluxus, qui est sub Horizonte in quarta nocturna refluxus, recedendo ab ipso per eundem motum primi mobilis versus punctum orientis debile fluxus, & tunc Sol & Luna erunt equipotentes, & non fiet fluxus, neque refluxus. Cum autem Luna per motum primi mobilis accedet ad punctum forte fluxus, qui est supra Horizontem in quarta diurna fluxus, Sol per eundem motum primi mobilis recedet, & elongabitur

bitur tantumdem à puncto forti refluxus, qui est sub Horizonte in quarta nocturna refluxus versus punctum orientis debile fluxus: & tunc quia Luna minus distabit à puncto forti fluxus, qui est supra Horizontem in quarta diurna fluxus, quam Sol à puncto forti refluxus, qui est sub Horizonte in quarta nocturna refluxus, Luna erit potentior Sole, & ideo tunc incipiet fluxus: & quāto magis Luna appropinquabit puncto forti fluxus, tanto magis Sole longabitur à puncto forti refluxus appropinquādo puncto Orientis debili fluxus, & ideo continuabitur fluxus, & cum Sol veniet per motum primi mobilis ad punctum orientis debile fluxus, quia Luna adhuc erit in quarta diurna fluxus, eò, quia ipsa distat à Sole minus quarta parte cæli, ipsa minus distabit à puncto forti fluxus, qui est supra Horizontem in quarta diurna fluxus, quam Sol à puncto forti refluxus, qui est sub Horizonte in quarta nocturna refluxus, ideo adhuc continuabitur fluxus: & cum Luna veniet ad punctum meridiem debile refluxus, Sol erit supra Horizontem in quarta diurna fluxus, & erit magis propinquus puncto forti fluxus, quam Luna puncto forti refluxus, qui est post meridiem in quarta diurna refluxus, eò, quia Sol distat à Luna minus quarta parte cæli, & ideo continuabitur fluxus, donec Luna sit tantum ultra meridiem versus occidentem in quarta diurna refluxus, quantum Sol ante meridiem versus orientem in quarta diurna fluxus: & tunc Luna tantum distabit à puncto forti refluxus in quarta diurna

na refluxus accedendo ad ipsum per motum primi mobilis, quantum Sol à puncto forti fluxus in quarta diurna fluxus recedendo ab ipso per eundem motum primi mobilis, & sic Sol & Luna erunt equipotentes, & non fiet fluxus, neque refluxus. Cum autem Luna per motum primi mobilis appropinquabit puncto forti refluxus in quarta diurna refluxus, Sol per eundem motum primi mobilis recedet, & elongabitur tantundem à puncto forti fluxus in quarta diurna fluxus, & tunc Luna erit magis propinqua puncto forti refluxus in quarta diurna refluxus, quam Sol puncto forti fluxus in quarta diurna fluxus, & sic Luna erit potentior Sole, & ideo incipiet refluxus, & continuabitur fluxus, & refluxus eodem modo, quo dictum est. Quando Luna recedit à coniunctione eius cum Sole, & nondum venit ad quadraturam eius cum Sole primam, sed est inter coniunctionem, & quadraturam primam, & cum Luna veniet ad coniunctionem eius cum Sole, iterum tota dispositio iam narrata redibit eodem modo penitus, sicut dictum est. Iste ergo motus aquæ maris (qui dictus est) est motus aquæ maris, insequens motum Solis & Lunæ, ad motum scilicet primi mobilis. Nam si benè consideraueris ea, quæ dicta sunt de fluxu, & refluxu, seu cremento, & decremento, aut accessu, & recessu aquæ maris, cognosces, quòd initia fluxus & refluxus, seu crementi & decrementi aquæ maris, & similiter quies eius diuersificantur in horis diei & noctis: non enim semper eadem hora diei fiunt sicut manifestum est ob-

est obseruantibus huiusmodi fluxum & refluxum, seu crementum & decrementum, & quietem falsam aquæ maris. Ex dictis apparet, quòd aqua maris habet motum accessionis, seu crementi in die semel, & in nocte semel.

Similiter apparet, quòd aqua maris habet motum recessus, seu decrementi in die semel, & in nocte semel.

Apparet etiam quòd accessio, seu crementum aquæ maris non incipit eadem hora diei, vel noctis semper, sed diuersis horis: & similiter recessus, seu decrementum.

Et etiam tempus, in quo tam accessio, seu crementum, quàm recessus, seu decrementum aquæ maris inordinatè procedit, quando scilicet Luna est in quadraturis eius cum Sole, prima scilicet vel secunda.

Fiunt aliquando maximi aquarum cursus, aliquando minimi, & aliquando medio modo se habentes, seu mediocres, quando scilicet Luna fuerit in omni alio loco à Sole, præter hæc quatuor, videlicet in coniunctione, vel oppositione, aut quadratura eius prima, aut secunda cum Sole.

Fiunt aliquando maxima crementa aquarum, aliquando minima, & aliquando medio modo se habentia.

Fiunt similiter aliquando maxima decremēta aquarum, aliquando minima, & aliquando medio modo se habentia.

Incrementa, seu augmentationes aquarum, fiunt aliquando maiora, aliquando minora.

Maximi cursus, seu motus aquarum fiunt, Luna coniuncta Soli, & maxima crementa, & decremēta.

Maximi cursus, seu motus aquarum similiter fiunt Luna

oppo

opposita Soli, & maxima crementa & decrementa, & maiora quam tempore coniunctionis Luna cum Sole: corpora enim superiora infundunt virtutes suas in istis inferioribus per motum eorum & lumen. Quantò enim plus habent de lumine, tantò plus & fortius operantur, & quia in oppositione Lunæ cum Sole, Luna est plena lumine, & lumen eius est versus nos, ideo rationabile est, ut causentur maiora crementa & decrementa aquarum, quam in coniunctione eius cum Sole, quia tamen in coniunctione eius cum Sole, Sol & Luna sunt uniti simul, & eorum virtutes, ideo fiunt etiam crementa & decrementa aquarum magna: quia ambæ virtutes, scilicet Solis & Lunæ, sunt unitæ simul, sed maiora fiunt in oppositione, quam in coniunctione propter causam dictam.

Luna existente in quadraturis eius cum Sole, aqua maris nullum habet determinatum tempus accessionis, vel recessionis, seu crementi, aut decrementi: & tunc fiunt minimi cursus aquarum, & minima crementa & decrementa, & talis motus aquæ maris, est dictus à Venetis, De fele. Et tunc aqua maris nullum habet terminatum principium accessionis, vel recessionis, seu crementi aut decrementi, sed diuersimodè & inordinatè mouetur: aliquando enim accedit, aliquando recedit. Huius autem varietatis causa est: quia Sol & Luna vbicunque fuerint in mouendo aquam sibi inuicem aqualiter, vel quasi aqualiter, contradicunt in quocunque puncto fuerint

runt: in quocung enim puncto fuerit Sol, Luna erit in puncto virtutis oppositæ & contrariæ loco Solis, vel prope.

Cùm autem Luna erit extra quatuor loca dicta, tunc aqua maris incipiet accedere vel recedere: quando Sol & Luna erunt in punctis æqualibus virtutis quartarum contrariæ operationis, erunt etiam cursus aquarum tantò maiores, quantò Luna fuerit propinquior coniunctioni eius cum Sole, vel oppositioni, & tantò minores, quantò Luna fuerit propinquior quadraturis. Similiter etiam erunt incrementa & decrementa tantò maiora: si enim Luna erit inter coniunctionem eius cum Sole & quadraturam primam, tunc Luna ad motum primi mobilis sequitur Solem in ortu suo, & tunc erit principium accessionis diurnæ aquæ maris de die, post ortum Solis circa horam tertiam vel ante, quando scilicet Sol erit tantum supra Horizontem ex parte orientis in quarta diurna fluxus, quantum Luna sub Horizonte ex eadem parte orientis in quarta nocturna refluxus, eò, quia tunc Sol & Luna erunt equipotentes: quia erunt in punctis æqualis virtutis in quartis contrariæ operationis, & principium accessionis nocturnæ aquæ maris, erit de nocte post occasum Solis, quando scilicet Sol erit tantum sub Horizonte ex eadem parte occidentis in quarta nocturna fluxus, quantum Luna supra Horizontem ex eadem parte occidentis in quarta diurna refluxus. Principium autem recessionis diurnæ erit de die post meridiem, quando scilicet Sol erit tantum post meridiem in quarta diurna refu-

xus, quantum Luna ante meridiem in quarta diurna fluxus, & principium recessionis nocturnæ erit de nocte post medium noctis, quando scilicet Sol erit tantum post punctum mediæ noctis in quarta nocturna refluxus, quantum Luna ante ipsum in quarta nocturna fluxus. Si autem Luna fuerit inter quadraturam primam, & oppositionem, adhuc Luna in suo ortu sequitur Solem, & tunc erit principium accessionis diurnæ de die post meridiem circa vespervas, videlicet parum ante vel post, quando scilicet Sol fuerit tantum supra Horizontem ex parte occidentis in quarta diurna refluxus, quantum Luna supra Horizontem ex parte orientis in quarta diurna fluxus. Principium autem accessionis nocturnæ erit de nocte ante diem, videlicet circa matutinum ante vel post, quando scilicet Sol erit tantum sub Horizonte à parte orientis in quarta nocturna refluxus, quantum Luna sub Horizonte ex parte occidentis in quarta nocturna fluxus. Principium verò recessionis diurnæ, erit de die ante meridiem quando scilicet ☉ erit tantum ante punctum meridiei, quantum ☽ post punctum mediæ noctis. Principium autem recessionis nocturnæ erit de nocte ante medium noctis, quando scilicet Sol fuerit tantum ante punctum mediæ noctis in quarta nocturna fluxus, quantum Luna post punctum meridiei in quarta diurna refluxus. Si autem Luna fuerit inter oppositionem Solis, & quadraturam secundam eius cum Sole, tunc Luna in ortu suo antecedit Solem, & tunc principia tam accessionis quam recessionis sunt eodem modo

modo sicut fuerunt, quando Luna fuit inter coniunctionem & quadraturam primam: nam principium accessionis diurnæ erit de die circa tertiam ante vel post, quando scilicet Sol erit tantum supra Horizontem ex parte Orientis in quarta diurna fluxus, quantum Luna supra Horizontem ex parte occidentis in quarta diurna refluxus, & principium accessionis nocturnæ erit de nocte, quando scilicet Sol erit tantum sub Horizonte ex parte occidentis in quarta nocturna fluxus, quantum Luna sub Horizonte ex parte orientis in quarta nocturna refluxus, sed principium recessionis diurnæ erit de die post meridiem, quando scilicet Sol fuerit tantum post punctum meridiei in quarta diurna refluxus, quantum Luna ante punctum mediæ noctis in quarta nocturna fluxus. Principium verò recessionis nocturnæ erit de nocte, quando scilicet Sol fuerit tantum post punctum mediæ noctis in quarta nocturna refluxus, quantum Luna ante punctum meridiei in quarta diurna fluxus. Si autem Luna fuerit inter quadraturam secundam & coniunctionem eius cum Sole, tunc Luna etiam in suo ortu antecedit Solem, & erunt tunc principia accessionis & recessionis in eisdem horis, sicut sunt quando est inter quadraturam primam & oppositionem: quia principium accessionis diurnæ erit de die post meridiem circa vesperras, ante scilicet vel post, quando scilicet Sol erit tantum supra Horizontem ex parte occidentis in quarta diurna refluxus, quantum Lu

nocturna fluxus. Principium verò accessionis nocturnæ, erit de nocte circa matutinum ante, vel post, quando scilicet Sol fuerit tantum sub Horizonte ex parte orientis in quarta nocturna refluxus, quantum Luna supra Horizontem ex eadem parte orientis in quarta diurna fluxus, sed principium recessionis diurnæ, erit de die ante meridiem, quando scilicet Luna erit tantum post punctum meridiei in quarta diurna refluxus, quantum Sol ante ipsum in quarta diurna fluxus: & principium recessionis nocturnæ erit de nocte ante medium noctis, quando scilicet Luna erit tantum post punctum mediæ noctis in quarta nocturna refluxus, quantum Sol ante punctum mediæ noctis in quarta nocturna fluxus. Ex istis dictis apparet, quòd tam accessio, quam recessio aquæ maris, non incipiunt semper in eisdem horis diei vel noctis: quia principium accessionis, aut est in principio diei, aut in principio noctis, quod accidit Luna existente coniuncta vel opposita Soli, vel est ante diem à matutinis versus diem, vel de die vsq; ad tertiam vel circa, vel est ante serum à vespers, versus serum vsq; ad gallicantum vel circa, quod accidit, quando Luna est inter coniunctionem, vel oppositionem eius cum Sole, & aliquam ex quadraturis. Principium autem recessionis aut est in meridie, aut in medio noctis, quando scilicet Luna est coniuncta Soli, vel ei opposita, aut est ante meridiem vel post, aut ante medium noctis vel post, quando scilicet Luna est inter coniunctionem vel oppositionem eius cum Sole, & aliquam ex quadraturis.

turis. Apparet etiam, quòd aliquando aqua maris nullum habet terminatum principium, nec ordinem accessionis, vel recessionis, quod accidit Luna existente in quadraturis eius cum Sole. Apparet etiam, quòd omnis accessio aquæ maris fit per respectum ad Horizontem ex parte orientis, vel occidentis, & omnis recessio per respectum ad meridianum, seu ad punctum meridiei, vel mediæ noctis.

Aduertendum est etiam, quòd omnia, quæ dicta sunt, maximè habent veritatē in Horizonte recto, in obliquo vero aliquo tēpore aliquid fallunt, sicut sic infra dicitur.

Contingit autem aquam maris à suprà scripto ordine motus deuiare, communiter tamen, & vt in pluribus, debitum ordinē obseruat. Talis autem deuiatio à suprà scripto ordine duplex est. Aut enim est deuiatio, seu error in hora principij motus accessionis, vel recessionis, aut in medio motus, videlicet quòd maiores, vel minores cursus habeant solito, vel maiora, aut minora habeant incrementa, aut decrementa. Error veniens in hora motus, triplici de casua potest accidere, aut ratiōe situs regionis, aut ratiōe corporū super cælestiū, aut propter mutationē aeris. Ratiōe situs regionū accidit diuersitas solū in hora principij accessionis, eò quia principium accessionis habet respectū ad horizontē, seu est per respectū ad Horizontē: in prin

culo, aut extra, si sub æquinociali circulo, quia illi habent Horizontem rectum, & dies ibi semper sunt æquales noctibus, ibi in omni tempore anni ea, quæ dicta sunt de diuersis horis principii accessions aquæ maris, maxime habent veritatem. Regiones autē distantes ab æquinociali, quia habent Horizontem obliquum, in eis principia accessions aquæ sunt, sicut in regionibus, quæ sunt sub æquinociali solum in duobus temporibus anni, videlicet in tempore veris, seu æquinocij vernalis, & in tempore autumnii, seu æquinocij autumnalis, videlicet circa medium mensis Martij, & circa medium mensis Septembris. In alijs autem temporibus anni, seu ab æquinocio vernali per totam æstatem, vsque ad æquinocium autumnale aliter est: quia principium accessionis diurnæ, si ipsa accessio est ante meridiem, videlicet circa mane, erit tardiùs, quàm esse debet, videlicet plus de die, quàm fiat in regionibus, quæ sunt sub æquinociali, & hoc ideo est: quia in talibus regionibus dies incipit priùs, seu Sol oritur priusquam in regionibus, quæ sunt sub æquinociali propter obliquitatem Horizontis obliqui (quamuis regiones ipsæ sint sub eodem meridiano) quòd si principium accessionis diurnæ fuerit post meridiem, videlicet circa serum, tunc tale principium erit citiùs quàm sit in regionibus, quæ sunt sub æquinociali, id est in paucioribus horis diei, & hoc ideo est: quia tunc Sol tardiùs occidit, quàm in regionibus, quæ sunt sub æquinociali. Principium verò accessionis nocturnæ si est ante medium noctis, fit in dictis

dictis locis, seu regionibus citius, id est in minori tempore noctis, seu in breviori tempore post occasum Solis, quam fiat in regionibus, quæ sunt sub æquinoctiali: quia tunc nox incipit eis post. Quod si principium accessionis nocturnæ est post mediam noctem, videlicet versus diem, fiet tardius, id est, ad plures horas noctis, seu magis prope diem, quam in regionibus, quæ sunt sub æquinoctiali, & hoc ideo est: quia Sol citius eis oritur quam eis, qui sunt sub æquinoctiali, & hæc diuersitas tantum crescit, quod aliquando contingit videre duas accessiones aquæ in die, & nullam in nocte, quod quidem accidit propter inæqualitatem dierum cum suis noctibus: quantò enim dies artificialis fuerit longior sua nocte, tantò talis diuersitas & error euidentiùs crescit. Quare in longioribus diebus anni, talis diuersitas apparebit manifestè, sed ab æquinoctio autumnali per totam hyemem vsque ad æquinoctium vernale fit contrarium: quia principium accessionis diurnæ si fuerit ante meridiem, scilicet circa mane, tunc erit citius, quam deberet esse, id est in paucioribus horis diei, quam fiat in Horizonte recto: quia tunc tardius incipit dies, seu tardius oritur Sol habentibus Horizontem obliquum, quam habentibus Horizontem rectum. Quod si talis accessus fuerit post meridiem, scilicet

dit, quàm in recto. Principium verò accessionis nocturnæ si fuerit ante medium noctis, erit tardius, & plus in nocte quàm in regionibus, quæ sunt sub æquinoctiali, & hoc ideo est: quia tunc nox in Horizonte obliquo prius incipit, quàm in in recto: quia Sol prius occidit in Horizonte obliquo quàm in recto. Quòd si principium accessionis nocturnæ fuerit post mediam noctem, id est versus diem, tunc tale principium accessionis in Horizonte obliquo fiet citius, id est in paucioribus horis noctis, id est magis ante diem, seu ante ortum Solis, quàm fiat in regionibus, quæ sunt sub æquinoctiali, eò, quia Sol oritur tardius, quàm in regionibus, quæ sunt sub æquinoctiali: & talis diuersitas in tantum crescit, quòd aliquando fient duæ accessiones aquæ in nocte, & nullæ in die, & hoc quidem accidet propter inequalitatem, & augmentum noctis supra diem suam: quantò enim nox fuerit longior sua die, tantò magis crescit talis diuersitas: quare talis diuersitas apparebit maxima in longiori nocte anni. Ex dictis ergò apparet, quòd quantò fuerimus propinquiore æquinoctio, tantò minor apparebit diuersitas in hora principij accessionis aquæ: & quantò Sol fuerit propinquior Solstitijs, seu longioribus diebus, & longioribus noctibus, tantò maior erit diuersitas & certior, & manifestius apparebit. Ratione autem corporum cælestium etiã accidet diuersitas, & error in principijs non solum accessionis, verum etiam recessionis.

Cum

Cum enim aliqua ex stellis magnis & luminosis (ut sunt Venus & Iupiter) fuerit circa Solem, vel Lunam, illum, vel illam adiuuant in mouendo aquam maris: quare relinquunt debitum ordinem. Ratione verò mutationis aëris, sæpè contingit diuersitas, & error in principiis accessionis & recessionis aquæ maris. Impetiosa enim dispositio ventorum tam de propè, quam de longè insufflantium remouet cursus aquarum à debito ordine, aliquando festinando accessus, aliquando recessus: similiter & ipsos postponere faciendo. Error etiam accidit in medio motus aquarum: quia tam cursus aquarum, quam etiam incrementa & decrementa earum aliquando non seruant debitum motum. Dispositio enim ventorum ad maiores, vel minores cursus augmentum præbent. Quare & maiora incrementa, & decrementa accidunt: maiores etiam cursus, & diuersitatem maiorem euenire faciunt coarctationes, & stricturæ locorum ratione insularum, vel montium in aliquibus locis maximis existentium: quia ubi arctius, seu strictius existit mare, ibi fortior cursus existit, ut circa Eubæam insulam Nigropontis, & inter Siciliam, & Calabriam sæpè notari potest. Impediunt etiam tales stricturæ augmentationes aquarum: per stris



